


OPATIISO WA MMAASINI

 ...nto sothene siniir'ahu sihaana olipiheriwa mwa Soolempwa. [Nipuro vahiitthu mufiitani—Mol.]
“...ekereja katolika,” owo khwira, “ni exariya anyu?”

“Ahe,” miyo khwira, “Miyo ka mukatolika.”

Khwira, “Ayo?”

² “Ahe,” miyo khwira, “vano, vootthariha mwiixuttiho wa ekereja Katolika, wira ‘Yesu Kristu t’okhalinhe ekereja Katolika, ni wira arummwa yaari anamukuttho Awe oopacerya, ni Petru aari paapa oopacerya.’ Eyo entthariha mwiixuttiho wa ekereja Katolika, ni wira ‘Bibilia ola olempwe ni ekereja Katolika yoopacerya, ahe, ni tho ekereja Katolika yookhalana owerya w’orukunxa khula ethu awo anthun’aya, okhala wira awo t’akhanle ekereja.”

³ Nto miyo khwira, “Okhuma mahiku a khalayi, wira, nyuwo othene moomurukunxa. Mooranteliha omiserya wala oyeeherya, nipuro n’opwiniha. Mooranteliha ekomunyawu yoowaarya ohiya Eroho Yowarya.” Nto miyo khwira, “Miyo ka mukatolika mmosa a enamuna ya khalayi paahi onkhala ni Waamini woopacerya, mweemereryo yoowo.” Miyo khwira, “Ethu yootikiniha t’ila, wira Petru, aari paapa oopacerya, ohimye wira, ‘Khaavo mulapeli mukina eriyari ya Muluku n’atthu, woohikhala Mutthu ene yoowo, Yesu Kristu.’ Nto olelo othene anyu murina Maria ni Sesiilia Oowaarya, ni axithiyana imiya sene akhwiye, ni sikina, wira ekhale alapeli. Yookhala ethu yiiraneieye eriyari ya paapa oopacerya ni paapa ola, moone, vakhala wira khevirikanne wala orukunuwa.”

⁴ Miyo khwira, “Vano-tho, muniira exeeni ni Paulo Oowaarya, yoowo aari santu muulupale a ekereja Katolika yoopacerya, ohimye wira, ‘Nakhala Nlaikha ninkhuma Wirimu ninlaleerya ehapari ekina ohiya ela elaleeriwe, nitakhaliwe?’” Nto miyo khwira, “Ankhi Yesu Kristu Ole okhalinhe Ekereja katolika, ohimye wira, ‘Akhala mutthu onrowa okumiha khula Nuulumo mBibiliani mu, wala wuncererya-Mo, yoowo onookumihiwa, mpantte awe, Muliivuruni mw’Ekumi?’”

⁵ Tivo sothene siniir'ahu, mwa muupuwelo aka, ntoko nammwaamini Bibilia, sihaana olipiheriwa vasulu va Soolempwa. Miyuupululo sothene, sowoona sothene, itthu sothene, sihaana okhala soolipiheriwa ni nttittimiho vasulu va Soolempwa, maana Owo ti mulipiheryo hiyo ommumul’ahu-vo ntoko SIISO ANIHIMYA T’APWIYA.

⁶ Mwa Soolempwa, hiyo khanimphwanya nipuro awo atonko aya omiserya wala oyeeherya, wala waavahererya

axinamwane mwa enamuna yeeyo. Masi mwa Soolempwa, hiyo nimphwanya wira awo yaanaaruuha anamwane wa Yesu, wira Owo aareeriheke. Ni Owo aahaakuxa mmoononi mw'Awe ni khwira, "Mwaahiye anamwane ekirweeleke Miyo, muhaakhoottiheryeke, maana omwene wa Wirimu ti wawaya." Vano Owo aahaareeriha axinamwane axikhaani. Nto eyo ti Yoolempwa yothene elempwe mwaha wa yeeyo. Eyo t'inamuna emphavel'ahu otthikela. Vano vakhala . . .

⁷ Ntoko mukereja Metotista, ni ekereja Nasareeno, ni ikereja sinci-ene sikina sirina mu-. . . Nkinuupuwela wira ekereja Nasareeno enniira. Ekereja Metotista enniira, ni sinci-ene sikina wala anamuupuwela a Ehapari yooreera, anaapatisa axinamwane yaamiseryaka.

⁸ Vano, eri saana, khula enamuna entthun'anyu waavahererya-no, masi wira moone paahi wira hiyo khaninaahela maasi. Hiyo nniwiixaatherya matata paahi, niphavelaka otthara nthoonyeryo na Pwiya'ahu. Nto eyo t'inamuna entthun'ahu wira aximai esuwele saana eyo, xeeni nihinaamisery'ahu maasi, okhala wira khanirina hata Yoolempwa ya yeeyo. Khanirina Yoolempwa wira naamiseryeke maasi aalweene wala anamwane.

⁹ Vano, mwaana t'oyevexa wira apatisiwe. Ni opatiiso eyooniheryo y'ota wira muteko wa mahala wa muhina woovariwa. Vano mwaana khonwerya wooniherya eyo, okhala wira khonakhale muteko wa mahala wa muhina, moone, okhala wira owo mwaana paahi.

T'axitiith'awe animuruuha mwaana wa Muluku Yoowo aavanhe mwaan'owo, emuhokoloxeryaka wa Yoowo mwa onvahererya. Tivo, ti siiso hiyo enrumeel'ahu yeeyo va.

¹⁰ Vano awo anrowa waaruuha kamosa-kamosa axipatthani axikhaani wira evahereriwe. Kinrowa onvekela munna wira anivahe erumihelo vakhani vapiyaanoni, ya *Mwaaruhe*, kookupali wira, Munna Gertie wala onakhale-ru mwamuthiyana xeeni ori va.

Nto siiso, okathi vakhani paahi nihinatthi wira yeeyo, nrowe nikhilane nuulumo na mavekelo w'aximai ni atthu anaaruuha ale oophentiw'aya.

¹¹ O Pwiya, hiyo vekeekhai n'atthu ooreeriwa, okhala elapo emosa orin'ahu nlelo otaphuwa wa okokhorela, yeeyo nrin'ahu kuveerunu onnikhapelela ni onnivaha muxov'ola woovahiwa ni Muluku; nihirin'ahu orowa otthariha ekereja ya estaatu wala enamuna emosa ya mulipa-ookhanyererya, masi ninoowerya orwa wa Nyuwo mwa enamuna hiyo nikupanly'ahu mmurimani mwahu. Ninvekela wira ela elekele, mpakha Yesu orwa, yakhalaru siiso mwa enamuna Anyu yoovaheriwa.

¹² Nto vano atthu anci-ene annaaruuha axinamwane aya, nihiku ti nihiku, ni esumana ti esumana, ntoko Nyuwo

sinaavah'anyu mmoononi ni okhapelela w'atith'aya ni amey'aya. Awo aannaaruuha, Pwiya, wa hiyo, ntoko ahumu va mukereja. Ni hiyo, ni nivekelo, ninnaavaha wa Nyuwo. Kinnivekela, Muluku, wira Nyuwo mmukuxe khula mmosa wa oophenteya ala axikhaani, voosiis'ula, ni nvahererye ikumi saya wa Nyuwo. Mureerihe itthoko awo anikhumas'aya-wo. Atith'aya ni amey'aya ekhale oowiivahereryaxa wa Nyuwo, wira anamwane eleliwe mmaithhokoni s'eKristu, wira yoorumeeleni Nyuwo mahiku othene a ekumi aya. Munireerihe voosiis'ula, Pwiya, okathi awo anaaruuh'aya amwaapwittipwitthi ala oohittheka, ithutu sa murim'aya. Masi awo anthhuna wira awo ekhalanase Ekumi Ehinimala, nto anoovekelani Nyuwo, O Muluku, wira mwaakhapelele ni mwaasuke, ni mwaahoollele mpakha yinnuwe voophiyerya sinwery'ahu olavula ni yaawo ni waakupaliha omukupali Pwiya Yesu ni waakhela Ekumi Ehinimala. Hiyo niniira ela wa ovuwa wa Muluku, nittharihaka Masu Awe, mwa Nsina na Mwan'Awe, Pwiya Yesu. Amen.

¹³ Vano aximai yaaruuhaka, ni axitiithi, yaaruuhaka axikhaani aya vasulu va wira evahereriwe, munna onoorumiha. Mwaruuhe axikhaani awo paahi ni mweemele waltaari nno, vakhiviru n'axikhaani ala amanle ovahereriwa. Vaareera.

¹⁴ Naanaanoru ottharanaka mutek'ola onookhala muteko w'opatiiso. Nto okathi awo anaaruuh'aya, pooti ohimya, muhivonye waaruuha oophentiwa anyu va vano, oxekuw'ola ewoora yaneethanu na mosa, eriyari ya thanu na mosa ni thanu na mosa ni minuutu miloko miraru sinrowa okaiwaka ittikitti sa mavekelo. Ni miteko iya sinrowa opacerya, kinoona wira, iwoora thanu na piili, thanu na piili ni minuutu miloko miraru.

¹⁵ Vaareera, mulopwana. Murwe nno paahi nwaattamele axikhaani, mwatthuna vale. Kinniwoona aximai akuxaka maakina aya a ilatarato va. Moosuwela moota aximai anuupuwel'aya mwaha wa axikhaani aya.

Akavi anaaphenta axinamwane? Oh, wulu! Kaaniwiiwaka axikhaani ala wiipa, *Yesu Onnaaphenta Axinamwane A Mulaponi*.

¹⁶ Nyuwo mwa Munna Grimsley? [Munna Grimsley muthiyana oniira, "Ayo. Ayo, ola ti mwaamusulu aka."—Mol.] Mwaamusulu anyu. Nkisuwenle khama Meda oovolowa mukereja, wala nnari. Naahisoma muxornaaleni, okathi vakhani khalayi, nto owo khukiihana ni khukihimeerya wira Munna Grimsley muthiyana aahikhwa mpooma muumu. Vano hiyo naahituthuwa. Vano nto okathi orwiiy'aka owaani khurowa okereja Ettiminku yeele, nyuwo mwaakilanthe va mukereja. Nto miyo khwira, "Ahe, owo muthiyana mmosa ookhwa mukumixa kitonko aka omoona." Tivo siiso iira okhanle-ene munna mukina, Muhano Grimsley. ["Ti yeeyo."] Ayo, muhano.

17 Vano kintthuna kinvekele Munna Neville ni ahumu amosa-amosa wira erwe ohoolo okathi ula, ni yeemele va mwa ovahererya. Vakhala . . . Amosa-amosa a nyuwo axinna arumeyi vo, ntoko ahumu, murwe ohoolo, Munna, ni Munna.

18 Vano, khula mmosa a nyuwo aximai ni axitiithi, ni axipwaapu, muninvaha Muluku maniya ala makhaani ooreerexa Muluku oovanh'aweni, wira evahereriwe, mwaavahereryaka wa Muluku oovanheni yaawo. Mahal'Awe ni ikharari sikhale ni nyuwo mahiku othene, ti mavekelo aka.

19 Munna Collins ori vakhiviru? Wala, munna, wala . . . [Munna Neville oniira, "Kinnimoona Munna Collins."—Mol.] Arwe ohoolo xontte, nno wa mutek'ola, vakhala . . . Owo mmosa wa mapastore ahu axirikha va, a ekereja, ni naatthuna nikhale ni yoowo va ni mavekelo, ni hiyo, vaweryaneya vale.

20 Vano, moosuwela, imaara sikina . . . Axipatthani ala akhaani, awo khanatoko wira yeela, tivo awo t'oloka paahi. Nto imaara sikina awo annaathama ni wunla, masi eyo enaakhaliha paahi attutthu ooreera, kahi siiso? Vano, hiyo khaninweha eyo. Tivo vakhala wira animunla wala etthu p'itthu, muupuwele, eyo khenihaaxa hata vakhani. Kaamwaatthokelela axinamwane amosa-amosa jaaruuhiwe wa Pwiya Yesu, wira yaahinla vakhani, nave, moosuwela, okhala wira kweekwe ti siiso. Axipatthani awo akhaani, awo annihaaxeya yaattikinyiwaka, ni akina aya akilanthe mu mpaani mooviha, tivo, hiyo kханinsuwela eyo. Vaareera.

Hiyo ni . . . Ninoorowa ohoolo.

21 Nto nsina nawe ti pani vano? [Munna Grimsley muthiyana oniira, "Etienne Renee Bennett."—Mol.] Tina Renee Bennett. Tina Renee Bennett mwaamukhaani, piipi awe onimuruuha wira avahereriwe. Vekeekhai owo ttutthu oosivela mwaamukhaani.

Nivekele.

22 Pwiya, awo animuruuha mmatatani mwa murumeyi Anyu ttutthu ula oosivela mwaamukhaani hiyo oninkelele'ahu, noovahereryakani Nyuwo. Muluku, mmureerihe mwanamwan'ola, ni wira akhale ni ookokhorelekeni Nyuwo. Mwaareerihe axitiithi awe ni axipwaapu awe. Ni, Pwiya, nakhala-ru nihiku na meelo, akhale murumeyi Anyu muulupale. Munvahe, Pwiya, niwooniheryakani Nyuwo. Mwa Nsina na Yesu, mmwaakhele. Amen. Apwiya yooreeriheni, munna.

Cynthia Lee Cannard mwaamukhaani, nipattuuxa nikina noophenteya . . . Wulu, owo ekhalelo yaamukhaani saana. Owo t'ophenteya? Nivekele.

23 Pwiya, hiyo ninnimuruuha wa Nyuwo mwanamwan'ola, ni ntoko sikumihw'awe mmoononi mw'a oophentiwa arwaaka mw'awaka mwa ovehereriwa woowaarya, ni onveleela wa Muluku . . . Mwaamukhaani ula t'oyevexa wira asuwele, masi

oophentiwa aamuruuha. Mmutthuniherye akhale, Pwiya, ni akhale ookhomaala ni mukumi makhalelo awe othene. Mwaareerihe axitiithi awe, axipwaapu awe, ni oophentiw'awe othene. Wira, Movuwani, awo othene ethukumane vamosa nihiku nle okathi onkuman'ahu ni Nyuwo. Mmusuke mukumi ni oohakalala. Hiyo ninnoovahani Nyuwo mwa ovahereriwa ni mavekelo, mwa Nsina na Yesu Kristu. Amen.

Apwiya yooreeriheni.

²⁴ Ola t'awinyu? Mwammiravo xeeni ula muulupale? Carl Christian Stall, Carl Christian Stall mwaamukhaani. Ola musulu a Munn'ihu McDowell. Vano owo mmiravo ooreera. Kinvekela wira nakhala nihiku na meelo, owo akhale mulaleyi a Ehapari yooreera. Nuurame muru.

²⁵ Pwiya, ntoko pwaap'ula ohenly'awe mmoononi mwaka nipattuuxa nla naamukhaani na mphento, kinnoovekelani Nyuwo, Pwiya Muluku, wira Nyuwo mmukuxe mwaanamwan'ola wa omukhapelela Wanyu, ni mmutthuniherye akhale, ni annuwe, ni akhale ookhomaala, ni mukumi. Wira, narwa nihiku na meelo, alaleye Ehapari yooreera, wira hiyo nimmuvahererya voosiis'ula naamini. Ekumi awe yaamukhaani ereerihwe vanci-ene. Mwaareerihe axitiithi awe, axipwaapu awe, ni axikhuulu awe. Ninvekela wira iparakha Sanyu sikhale mwa yoola. Tthiri hiyo vano mwa nivekelo na oveleela, ninninvahererya ttutthu ula wa Nyuwo, O Pwiya, mwa Nsina na Yesu Kristu, Mwan'Inyu. Amen.

²⁶ Mwaamukhaani a ikuru oosivela...Mukilevelele, nyuwo mw'ame awe? Otthapa wa nyuwo. Ooreera xeeni...?... Nsina nawe ti pani mwaamukhaani? Sheryl Ann Baldwin. Nyuwo mw'ame awe? Ahe, ti yooreera. Shirley, nyuwo mwa mwaana mwaamuthiyana ooreera. Shirley Ann Baldwin mwaamukhaani. Vano, owo t'owuuliwa muru vakhani; munoowerya ohimya yeeyo. Kinoona wira ame awe yaari siiso...?...Miyo kinoomala-ru waasuwela ko—koosuwela wira eyo...Ninoorowa wira saana siisa...Oh, owo mwaamukhaani, mwaana mwamuthiyana ooreera, kookupali. Owo t'osivela. Nivekele.

²⁷ Pwiya, hiyo nimmuruuha wa Nyuwo mwaan'ola mwaamukhaani. Ekatha awe yaamukhaani mwaano mwawe, O Muluku, owo hata khonsuwela ole okhanle muupuwelo w'etampi. Nto kinvekela, Muluku, wira Nyuwo mureerihe ekumi awe yaamukhaani ni mmukhalihe oothaaciri ni oomwene. Mmureerihe mai awe mukhaani va, tiithi awe, axipwaapu awe, ni oophentiwa awe othene. Nto noovahakani Nyuwo mwa ovahererya wa nttittimiho wa nivekelo, Nyuwo mmutthuniherye okhala, ni wunnuwa, ni akhale a ikuru, ni mukumi, ni akhale ethooneryo mwa mahiku awe wa omuthiyana w'emwali wira amurumele Pwiya Yesu. Munvahe, Pwiya. Kinnaamini wira

t'axinamwane Nyuwo mwaawixaathenry'anyu matata Anyu khwaareeriha. Hiyo ninvekela ela wa ovuwa wa Muluku, ninvaghereryaka, ni onveleela, mwa Nsina na Yesu Kristu. Amen.

Vano, kinoona wira nyuwo mwa mwaana muthiyana oosivela, oowuuliwa muru, masi oosivela. Muluku ooreeriheni. Otthapela mwaha wa ttuutthu ooreera.

²⁸ Vano, khino okathi ovinre khalayi, kaamuwerya wira kinvarenle-ene mwaana muthiyana ntoko yoola. Nsina nanyu ti pani? [Munna muthiyana oniira, "Sharon Diane Bayle."—Mol.] Miyo...Omusi n'ule mukina? Uh-huh. Bayle, oolikana saana. Kintthuna wira nyuwo othene mmoone mwaan'ola muthiyana, okhala wira owo etthu yaamukhaani oosivela. Kinrowa omuttukhulela osulu vakhani paahi. Mwaana muthiyana ooreera saana...Kinnuupuwela wira saari itthu sikhaani siisa Yesu iixaathenryaawe matata. Moota matat'ahu akhanly'aya oohiphwanela. Masi mwaphavela matata oophwanela, khimwaarowa ophwanya. Hiyo na oohiphwanela, masi nimmuvekela natiri Awe mwa mahala. Nsina nawe tho? Sherry Diane Bayle. Nivekele.

²⁹ Pwiya, hiyo ninnimuruuha mwaan'ola wa Nyuwo, oosivela, ooreera. Kinvekela, Muluku, wira Nyuwo mureerihe ekumi awe yaamukhaani. Wira owo akhale mukumi ni akhale muthiyana a ikuru oosareya mahala ni owerya. Akhalane opuro mwa wahala muulupale a ovuluxiwa wira avare etthu wa Omwene wa Muluku. Mmureerihe mai awe mukhaani, atiithi, axipwaapu, ni oophentiwa awe othene. Nto nyuwo mwakhala wa yoola...mpakha nihiku nawe okhala, owo akhale namuteko Anyu. Vano, hiyo nininvaha wa Nyuwo mwa enamuna y'onvaghererya wira ninvaghererye, ni enamuna ya nivekelo, mwa Nsina na Yesu Kristu. Amen. Mureerihiwe, oophenteya, mwanamwane muthiyana ooreerea, ooreerela.

³⁰ Ni owo onrowa okhala murumeyi? Vaareera. Nto nsina nawe ti pani? John Michael Daulton. Vano, moosuwela kookhalana makampusi ottuli iwe oolikana ntoko munnuwelo anyu, John Michael mwaamukhaani. Ahe, ti yooreera. Atith'awe va a murumeyi, kookupali wira ti siiso. Khimwaari murumeyi muPatista? Mempuru pure a ekereja Patista. Ti yeeyo. Nivekele.

³¹ Pwiya, hiyo ninnimuruuha wa Nyuwo mwammirav'ola mwaamukhaani. Nkisuwenle evarenly'aka mmoononi mwaka. Nnakhala ame awe khiyaasuwenle okathi owo oyariw'awe, nto matat'awe makhaani yaahaapapela wiitho waya, wala atithi awe yaavenxale etthirima osuwela wira yaahikhalana mwaana mulopwana. Muluku, kinvekela wira mwaan'ola akhale wa nlemeliho ni ovuwa wa Yesu Kristu. Hiyo ninnimuruuha wa Nyuwo vano mwa onveleela ni nivekelo na ovahereriwa, wira Nyuwo murumeele ekumi awe yaamukhaani wa ovuwa Wanyu.

Maana hiyo nininvahererya wa Nyuwo, mwa Nsina na Yesu Kristu. Amen.

Mureerihwe. Mmiravo ooreerela . . .

³² Mmirav'ola mwaamukhaani? Oh, ola munna Daulton muthiyana? Robert Anthony. Munna Daulton muthiyana. Ahe, kinnithapa okumana ni nyuwo, Munna Daulton. Kaanaasuwela aiy'anyu oratteenexa; kinoona wira kootoko owoonani. Ola ti Robert Lee? Exeeni? Robert Anthony. Vaareera. Oh, wira, wulu! Mikwili sa Okuusini khasimwiirinhe *siiso* owo. Owo mmiravo mmosa ooreerela, mmiravo oowooneya oreera. Nivekele.

³³ Pwiya, hiyo ninnimuruuha wa Nyuwo mmirav'ola mwaamukhaani wira ninvahererye, ame awe amuruuhale ni atithi awe. Nto ninvekela wira Nyuwo muvahererye ekumi awe yaamukhaani, Pwiya, wa muteko Anyu. Wira owo akhale mukumi ni akhale mulopwana muulupale, a ikuru, mwa erutthu, mwa erooho. Munvahe, Pwiya. Nto vano, hiyo nininvahererya wa Nyuwo, mwa Nsina na Yesu Kristu, Mwaana a Muluku. Amen.

Othhapa wa nyuwo mwaha w'aximiravo anli ooreerela. Ni kinroromela wira oowanli aya alaleyii, Apwiya yapisa vale.

³⁴ Va ookhala mmiravo mukina. Munoowerya ohimya wira mmiravo ooreera, enamuna onikawanyaawe maihi awe. Nsina nawe ti pani? Robert Samuel Bates. Vano, nkisuwenle. Owo t'orilela saana. Hmm, wulu! Robert Samuel Bates, mmiravo ooreerela. Nivekele.

³⁵ Muluku Oophentiwa, hiyo ninnimuruuha wa Nyuwo mwanamwan'ola, ni noonaka wira onikhuveela emiravo. Oh, matapha xetwani omuhelenly'awe mmiravo mwaamukhaani. Mmuhuluxe, Pwiya. Wira mwammirav'owo ahikhalakhale eettaka ephiro ya ohixariya, masi nivekelo na ovahererya voosiis'ula, ni waamini w'axitiithi ni hiyo, wiirihe ekumi awe yaamukhaani okhala yoweetihereya oKalvario. Munvahe, O Pwiya, wira owo akhale mukumi ni annuwe, ni akhale mulopwana a ikuru, ooreerela. Wakhala otthuna Wanyu, mmutthuniherye alaleye Ehapari yooreera meelo, nakhala-ru nihiku na meelo. Hiyo vano nininvahererya wa Nyuwo, mwa Nsina na Yesu Kristu Mwan'Inyu. Amen. Muluku ooreeriheni.

³⁶ Owo ti munna ni murokora? Ahe, eyo ti yooreera saana. Ehaali anyu? Vano, va ori mwammiravo ooreerela nave. Nsina nawe ti pani? Sidney, Simminer, Sumner. Dwight Sumner. Aahikhala mulaleyi mmosa muulupale okathi mmosa aihaniwa Dwight. Huh? Mulaleyi muulupale. T'ani onsuwela nle naari nsina nawe? Dwight Moody. Ti yeeyo. Oohisoma, namattottha ixapattho mwaamukhaani, masi aahiroiha minepa emilyawu ntero wa Yesu. Dwight mwaamukhaani aire siiso. (Ola va.) Oh, owo mmiravo ooreerela, mwammiravo ooreera, onkhala ntoko mulaleyi. Nuuramihe miru sahu.

³⁷ Pwiya, hiyo ninnimuruuha wa Nyuwo, mwammirav'ola, okumihiwe mmoononi mw'a oophentiwa orwaaka mw'awihu. Ni mwa ekupalelo ni waamini mBibiliani, ni mwa Kristu a mBibiliani hiyo nininvahererya mwammirav'ola wa Nyuwo, wira ekumi awe erumeeliwe wa ovuwa wa Muluku. Mureerihe etthoko awe, axitiithi awe, ale oophentiwa awe, ni wira akhale mukumi ni akhale a ikuru. Ni wakhala otthuna Wanyu, mmukhalihe murumeyi a meelo, vakhala wira onookhala meelo. Masi mwa mavekelo ahu, mwa exariya, ni mavekelo oovahereriwa wa yoowo, hiyo ninninvaha wa Nyuwo, mwa Nsina na Yesu Kristu. Amen.

Muluku ooreeriheni. Nyuwo mwa mmiravo ooreerela. Kooxukhuru, axinna.

Oh, nkisuwenle, yookhala etthu mwaha w'aximiravo awo axikhaani, enookhalihani woona oreera. Moosuwela, nihaana. . .

³⁸ Kookhalana mwaaruusi mpatthani mwaamukhaani va. Owo t'owuuliwa muru, owo oroosama nto. Miyo kinimwiihana "Cookie." Owo t'a oGeorgia, weiwo onrow'aka okhalana wiitthyuuwa n'atith'awe vooihilekela, orowa omiserya. Nto etthu emwiihanen'aka Cookie; ame awe numala okipakela ipilikisa piili s'enama yowaarikeliwa ophiyal'aka owaani, nto kaahilya mpakha ohiwerya olya-tho, waapeya iwe wooreera wa Okuusini; owo aarwiiye ni ipulaxa soosareya ntata. Kaahaana okhuura iyo, nave. Tivo, kimwiihann'aka Cookie. Owo mwaaruusi mmosa ooreerela.

³⁹ Axikhaani ala othene, nyuwo othene munnaaphenta Apwiya? Wulu, ti yooreera! Imaara kamosa-kamosa, kinnaalaleerya axinamwane, moosuwela. Akavi yaari vaava okathi kaamutharihal'aka wahala a Moise mwaamukhaani? Moosuwela, ekalawa ele yaamukhaani, moosuwela, mwanamwan'ola aavithiw'awe-mo. Munnuupuwela yeeyo? Ni othene anyu mwaahirwa waltaari ni—ni khuvahererya makhalelo anyu wa Pwiya Yesu. Vano, olelo ninthapela ohihimuwa Wawe. Nyuwo nlelo munnimpenta Yoowo? Nyuwo othene munimpenta Yoowo, nvenxe matata, nyuwo aximiravo n'axiruusi va. Oh, ti yooreera! Ti yooreera, ipursento emiya! Ni kinnaamini yeeyo, nave, ni murim'aka wothe, wira awo annimpenta Owo.

⁴⁰ Vano hiyo ninoorwa vano mwaha wa muteko w'opatiiso; hiyo khaninsuwela paahi akavi anrowa opatiisiwa. Eyo epantte ya Ehapari yooreera. Mutthaka wa ohihimuwa waari, "Murowe mulaponi mothene, mwalaleerye Ehapari yooreera soopattuxiwa sothene. Ole onrowa waamini khupatiisiwa onimoopowa; nto ole ohinrowa waamini onoolamuliwa. Ni ithooneryo iya sinimwaatthara ale, anrowa waamini," ntoko

nisomeliw'ahu yeela voosiis'ula, mwa Marku 16. Vano ninrowa osoma Soolempwa kamosa-kamosa sa o—opatiiso wa mmaasini.

⁴¹ Vano, aakhala athhu anci-ene, ni ikereja, sinaamiserya maasi athhu. Ikereja sinci-ene sinnaamini yeeyo. Nto eyo ti enamuna, vano, eyo eri saana. Anci-ene annaayeeherya maasi athhu, oyeehi paahi, okuxa maasi ni waayeeherya vamuru vaya. Ahe, eyo eri—eyo eri saana, moone. Eyo ovahererya. Eyo e—eyo e—eyo eyooniheryo ya e—ya eyooniheryo y'ota wira muteko wa mahala wa muhina woovariwa. Tivo, nkirina hat'etthu y'ohimya yoovirikanya yeeyo, moone.

⁴² Masi, mwa Soolempwa, awo yaapatisiwa epwinihiwaka vathi va maasi. Vano, tivo, okhalaka wira ka mukatolika a enamuna ya khalayi, vaareerela orowa enamuna Ekereja ya khalayi yairak'aya, moosuwela, okhala oopwinihiwa, okhuneeliwa.

⁴³ Yesu aahitthittiwa ekanyeryo voomalela, Owo aaheliwe vathi vatthayani, nto nluku nuulupale naahipirikixeliwa vasulu va mahiye, “Vavithiw'awe, Owo ooroiha itampi sahu ottaiwene,” tivo, hiyo naaminiki *yeeyo*, ele akina aniir'aya, eri saana, hiyo khanirina mivirikanyo n'awo, masi, wa hiyo, ninaamini opwinihiwa.

⁴⁴ Nto vano hiyo niniira opwiniha nno nittharihaka Miixuttiho soopacerya s'arummwa sa Ekereja. Aмоса-amosa w'ale anipwiniha, hata olelo, aakhuma eyiirelo yo—yoopacerya ya Waamini wa arummwa. Wopaceryani, opatiiso woopacerya waatonko opatisiwa numala Pentekosite, waari opatisiwa ni Nsina na “Pwiya Yesu Kristu.” Nto khula opatiiso ohoolo waya waari, khula mmosa, aapatisiwa mwa Nsina na “Pwiya Yesu Kristu.”

⁴⁵ Nto athhu kamosa-kamosa, ninoosoma muhina w'okathi vakhani, yaapatisiwe epwinihiwaka, ni Yohani Mpatisa, wa orukunxa murima paahi, kahi oleveleliwa wa itampi. Nto awo yaahaana orwa ni opatisiwa emaara ekina, mwa Nsina na Yesu Kristu, wira yaakhele Eroho Yowarya.

⁴⁶ Vano, olelo, hiyo nooranteliha Miteko, ahiiso, Matewu 28:19, vaavo Yesu Kristu orumaly'awe Ekereja Awe, “Vano murowe mulaponi mothene mwawiixuttiheke awo weettela itthu sothene kiwiixuttihaly'akani; mwaapatisaka ni Nsina n'Atithi, Mwaana, ni Eroho Yowarya.” Petru, mahiku muloko ohoolo waya, aahaaruma opatisiwa mwa Nsina na Yesu Kristu. Nto, khaavo, khaavo mBibiliani otonko opatisiwa mwa Nsina na “Atithi, Mwaana, ni Eroho Yowarya.” Khekhanle mwa Soolempwa, khaavo otonko opatisiwa.

⁴⁷ Vano nto mutthu aamwiira vano, moone, erummwe okathi ekereja Katolika, waamini wa-..., ahiiso, *Sookhumela Sa Waamini Wahu*, muliivuruni y'eKatolika, sookhumela sa waamini w'eKatolika, enihimya wira, “aPrustante annikupali

opatiiso ahu.” Etiyoseese y’eKatolika, mu...ntoko thanu na mosa-...woophiyaka miyaakha imiya muloko ni xexe, yaahimpatisa mutthu, emmiseryaka, mwa nsina na “Atithi, Mwaana, Eroho Yowarya,” masi khiivo Yoolempwa ya yeeyo. Ekereja; Wesley khukhuma, ni Lutero, ni etthu emosaru, okhuma mukereja Katolika. Amosa-amosa a awo nlelo animukuxa katikeesi a eKatolika, akina anikuxa Waamini w’Arummwa, ni sikina, yaawo akhumme mukereja Katolika. Yeeyo, vakhala wira Muluku onimukhaliha muKristu mutthu, siiso, nkirina hat’etthu y’ohimya yovirikanya. Nyuwo munnisuwela saana, moone.

⁴⁸ Masi, wa miyo, kihaana okhala mukatolika a enamuna ya khalayi, kihaana okhala n’ile Ekereja yoopacerya yiiraly’aya. Ni kihaana opatisa kittharihaka enamuna Ekereja yoopacerya yaapatis’aya, mwa Nsina na “Pwiya Yesu Kristu.” Nto vano hiyo nimphavela nisuke yeeyo.

⁴⁹ Vano, wira kihimye ela, mwa Matewu 28:19, Yesu ohimye wira, “Vano murowe, mwaixuttiheke maloko othene, mwaapatisaka mwa Nsina n’Atithi, ni na Mwaana, ni na Eroho Yowarya.”

⁵⁰ Ahe, vano, mmosa aya, Owo khonahimyeke wira, “mwa nsina n’Atithi, mwa nsina na Mwaana, mwa nsina na Eroho Yowarya.” Owo iirale, “mwa Nsina,” nimosi. Asomi aalupale ntoko Scofield n’akina, ni Ekereku yoopacerya, othene, ni mwa, otaphuleliwa wothene, ti “mwa Nsina.” Kahi masina wala “mwa nsina n’Atithi, mwa nsina na Mwaana.” Ti “mwa Nsina n’Atithi, Mwaana, ni Eroho Yowarya!”

⁵¹ Ahe, *Tithi* khanihiyo nsina, nnakhala *Mwaana* nsina, ni nnakhala *Eroho Yowarya* khanihiyo nsina. Iyo ititulu sinrowela Nsina nimosi. Moone, nri Nsina nimosi! Nto vakhala... Muupululo omphavel’ahu wooruuhelani vekeekhai ohaana wira okhanle-ene muupululo mmosaru arummwa yaarin’aya okathi yaary’aya vakhiviru ni Yoowo, enwiryana Yooowo waavaha yooruma eyo.

Mutthu mmosa iirale, “Ahe, miyo nkincala ele arummwa yiiraly’aya, Yesu ohimye ela!”

⁵² Vakhala wira arummwa khiyaamwiiwelenle Owo, weso Soolempwa soovonya. Muhaana okhaliha Soolempwa okhala soolikana, ahiiso khasihiyo hat’etthu. Khula Nuulumo ti noolikana ahiiso khanivo na Yoowo nilikanne. Nkisuwenle t’evi yaarowa okhala yoolikana vakhala wira Owo othene kholikanne. Vakhala wira epantte ya Yoowo ti yowuupuxeriwa ni Muluku, vano ekina ya Yoowo pooti ehikhanle. Masi kuuvo nvirikanyo mwa Soolempwa.

⁵³ Tivo vakhala wira Petru oohimya, “Murukunxe murima, mpatisiwe, khula mmosa a nyuwo, mwa Nsina na Yesu Kristu,” nto othene aya numala yeeyo khupatisiwa mwa Nsina na Yesu

Kristu, ni Yesu iirale, “Murowe, mwapatise mwa Nsina n’Atithi, Mwaana, Eroho Yowarya,” owo nvirikanyo woowooneyaxa, enkhala ntoko yeeyo, masi kuhiyo, mwasuwela-ru paahi.

⁵⁴ Muupuwele, “Soolepwa ti soowiiptiheriwa maitho a ale oosuwela ni oosoma.” Maahisuwela yeeyo? “Nto wira suupululiwe.” Soolempwa khasiniivirikanya Mmansaya, Iyo paahi sinimwiihimya Mmansaya.

⁵⁵ Vano, mwatthika vale, vaakhanle wira mwaasoma ehantisi, ntoko nyuwo mwiir’anyu, “John ni Mary yaahikhalasa oohakalala mahiku othene,” ntoko amosa-amosa a nyuwo, hiyo othene ninnittheka wa osoma ihantisi, nto mwahaasuwenle ale yaari John ni Mary, etthu emosa paahi mukhanly’anyu wiiraka othikela wopaceryani w’eliivuru, khusoma yothene khusuwela t’ani aari John ni Mary.

⁵⁶ Vakhala wira Yesu aahaaruma opatisiwa mwa Nsina n’Atithi, Mwaana, Eroho Yowarya, ni *Tithi* khanihiyo nsina, ni *Mwaana* khanihiyo nsina, ni *Eroho Yowarya* khanihiyo nsina, vanreerela nitthikele ottuli nisuwele T’ani okhanle, *Tithi*, *Mwaana*, ni *Eroho Yowarya*, ni ti nvi nikhanle Nsina Nawe.

⁵⁷ Vano mwatthuna okhunla ni miyo, kapiitulu 1 ya Matewu, ntoko mwaarow’anyu wira ni khula eliivuru, Yoohimya, “Vano...” epacenrye ni maloko a khalayi, Eyo ehimmye wira, “Vano oyariwa wa Yesu Kristu wiiren’ye so, okathi maama Awe, Maria, ary’ene oowaakameliwa ni Yosefe...” oovarihana, enamuna ekina.

⁵⁸ Vano kintthuna kiwooniheni moota, nkawehani, ninrowa ohimya wira *ola* ti Mwaana, Yesu, *ala* t’Atithi, *ela* ti Eroho Yowarya. [Munna Branham onooniha itthu tthaaru ntoko iyooniheryo—Mol.] Vano, khula mutthu onnisuwela, ni Yesu ohimmye wira Muluku aari Tithi Awe. Munnaamini yeeyo? Nihaana waamini! Tithi a Yesu Kristu aari Muluku. Vano kinihimya Yoolempwa, Matewu 1:18.

*...oyariwa wa Yesu wiiren’ye so: Okathi...
maam’awe Maria ary’ene oowaakameliwa ni Yosefe,
owo ahinatthi, awo ehinatthi okhalasa vamosa, owo
aahiphwanyiwa ni mwaana a Eroho Yowarya.*

Vano t’uvi wa yaala akhanle Atithi Awe?

*Nto owo onoomuyara mwaana, nto awo anrowa
omwiihanaka nsina Nawe YESU:...Nwehe, owo
aari...*

*Nto okathi Yosefe iy’awe, aari mutthu a xariya,...
khaatthuna omulaleya v’atthuni, aahuupuwela
omuhiya ni mwiitiho.*

*Masi okathi aatthokelel’awe itthu iya, vano, nlaikha
n’Apwiya naahimukhumelela moolohani, nto khwira,
Yosefe, nyuwo mwaana a Davidi, muhoovelele*

omwaakhela mwaar'inyu, Maria mwaar'inyu: maana ole orupaliwe mwa yoowo ti a Eroho Yowarya.

59 Vano, vaaweryaneya sayi Muluku okhala Tithi Awe, vakhala wira Eroho Yowarya yaari Tithi Awe? Owo aarowa okhalana atiithi anli, nto muthinto xeeni wa mwaana Owo aarow'awe okhala? Khaavo anli. Eroho Yowarya ni Muluku etthu emosaru. Munnona?

Nto owo onoomuyara mwaana, nto awo anrowa omwiihanaka nsina nawe YESU: . . .

. . .sothene iya sikhumelenle, wira siiraneye saahimiyaya Apwiya ni moolumo a profeta, wira,

. . .mwali harusinoorupala amuyare mwaana, . . .nto Owo onrowa wihaniwa Emanuweli, yeeyo. . .ekhanle, (Exeeni?) Muluku ni hiyo.

60 Vano, va ori Mwaana. Nihiku n'opatisiwa Wawe muYordani, Yohani aahikhalela onamoona woona Eroho ya Muluku, ntoko epompa, erwaaka khukhala vasulu Vawe. Yesu iirale, "Nkihiyo Miyo kinvara miteko; t'Atithi Aka ankhala mwa Miyo."

61 Vano, "Tithi, Mwaana, ni Eroho Yowarya" orina Nsina nimosa, itiitulu iyo tthaaruru, nto exeeni Bibilia ohimiy'awe wira ti naari Nsina? Yesu! Tivo owo ohaana wira waakhanle muupululo arummwa yaarin'aya, maana eyo t'inamuna awo yaapatis'aya. "Tithi," "Mwaana," ni "Eroho Yowarya" kanihiyo nsina, kaniivo hata nimosa nikhanle nsina. Nsina n'Atithi, Mwaana, Eroho Yowarya ti "Pwiya Yesu Kristu." Nlo ti Nsina n'Atithi, Mwaana, Eroho Yowarya.

62 Vano kinrowa osoma Soolempwa kamosa-kamosa nihinatthi opatisa. Kintthuna kisome, toko, okathi woopacerya wa opatiiso wa mmaasini, nto eyo emphwanyaneya mwa Miteko kapiitulu 2, Petru Nihiku na Pentekosite. Owo aahikhala alaleyaka.

Nto okathi vaaiwalyaya yeela, murima waahaariipa vanci-ene, nto yaahimwiirela Petru ni. . .arummwa akina, Alopwana n'axinna, niireke exeeni?

Vano Petru aahiwiirela, Murukunxe murima, mpatisiwe khula mmosa a nyuwo mwa nsina na Yesu Kristu wira muleveleliwe itampi, nto munimwaakhela yoovaha ya Eroho Yowarya.

Tthiri natiri t'awinyu, ni awaya an'inyu, n'ale ankhala ottaiwene, hata othene ale Apwiya Muluku ahu antthun'aya owiihana.

63 Nto okathi woottharelana orin'ahu opatiiso olempwe, p'ukathi Filipe, mahiku manli ohoolo waya, aaronw'awe oSamariya. Ale yaari aYuta, vano nto okathi. . .Ari mahimo mararu paahi a atthu mulaponi, akhanle atthu a Khami, Semi, ni Yafeti; aYuta, Amalapo, ni (nuusu aYuta ni Amalapo) aSamariya. Okathi Filipe aaronw'awe khwaalaleerya aSamariya, ela t'ile

yaakhumelenle. Simoni mmosa ola, namaxiitta, aanaalavalava atthu ni maxiitta.

Nto vamwiiwaly'aya Filipe alaleyaka itthu saahimya sa omwene wa Muluku, mwa nsina na Yesu Kristu, awo yaahipatisiwa, alopwana n'athiyana.

⁶⁴ Okathi woottharelana opatiiso onihimmw'aya, omphwanyaneya mwa Miteko 10:44 mpakha 48, owannyawe Kornelio, Mmalapo. Aakhala aYuta oYerusalemu, Filipe oSamariya, nto va ti Petru n'Amalapo.

Nto Petru alavulaka nlelo moolumo ala, Eroho Yowarya yaahaakhuruwela . . . ale yaiwa masu.

Ni ale yaari oolyihiwa masoma (aYuta) yaamini yaahitikinihwa, ni othene ale jaarwiiye ni Petru, okhala wira . . . Amalapo nave yaahivahiwa yoovaha ya Eroho Yowarya.

Okhala wira yaaniwiwa elavulaka ilavulelo, ni envuwihaka Muluku. Vano aahaakhula Petru wira,

Ookhala onwerya waakhottiherya maasi, wira ala ehipatisiwe, . . .

Nto aahiruma wira awo . . .

. . . yaala yaakhenle Eroho Yowarya ntoko hiyo?

Nto aahiruma wira epatisiwe ni nsina n'Apwiya. Munnona? Aahaavekelela . . .

Okathi woottharelana opatiiso onihimmw'aya, ti mwa Miteko 19, weiwo jaarwii'aya wa awiixutti a Yohani. Ola ti Paulo, vano nwiriyane oratteene, Miteko 19.

Nto vaahiiiraneya, . . . okathi Apolo waaryawe oKorinto, Paulo aahivira mapuro oosulu khuphiya wEfesu: owo onaaphwanya awiixutti kamosa-kamosa,

Nto, owo aahiwiirela, . . .

Vano nwehe. Awo yaari awiixutti. Awo yaari alipa-oowaamini, aKristu.

Owo aahiwiirela, Muhaakhela Eroho Yowarya okhuma okathi mwaaminni anyu? Vano yaahimwaakhula wira, Hiyo hata khiniwale wira yookhala Eroho Yowarya.

Nwiriyane etthu aakohaly'awe. Nwiriyane yookoha ela yoothuneyexa murummwa ola aakohaly'awe. Munnona?

Nto owo aahaakoha, opatiiso xeeni nyuwo waakhenly'anyu? Awo yaahimwaakhula owo wira, Ni opatiiso wa Yohani.

⁶⁵ Vano kaamurowa otthokelela voosiis'ula, vaakhanle wira, mmosa a hiyo aahipatisiwa ni mulopwana mmosaru omupatinse Yesu Kristu, naamuupuwela wira opatiiso ahu waari woolipa

saana. Khimwaarowa wuupuwela siiso? Masi va ti Paulo, onihimya wira khuhiyo. Ntthiya nimosaru na maasi, ni mulopwana mmosaru ompatinse Pwiy'ahu, Paulo onimuulumela opatiiso uwo vano mwaha wo wira khiwaari mwa Nsina na Yesu Kristu. Vano nwiriyaane.

Nto owo aahaakoha . . . Opatiiso xeeni waakhenly'anyu? . . .

Vano mwatthuna ophavela yeeyo mwa Ekreku, ehimnye wira, "Moota xeeni mpatisiw'anyu?" Munnona?

. . . Nto awo yaahimwaakhula owo wira, Ni opatiiso wa Yohani.

Nto Paulo aahahimeerya wira, Yohani aapatisa wa- . . . opatiiso wa orukunxa murima, aahimeeryaka atthu, wira yaahaana omwaamini ole aatthuna orwa, eyo piyo, omwaamini Yesu Kristu.

Nwehe, nikhuru nenla naapatisiwe muYordani, vamosa ni Yesu Kristu.

Vaaiwalyaya yeela, yaahipatisiwa-tho, awo yaahipatisiwa mwa nsina na Pwiya Yesu Kristu.

. . . Paulo aahiwiixaatherya matata, Eroho Yowarya yaahaakhuruwela; ni yaahilavula ilavulelo, ni olaleerya.

⁶⁶ Vano, Paulo ene yoola onnihimya va, muLiivuruni mwa aKalasiya. Mwaha wa yeeyo envarelaaxaaka yeela. aKalasiya, kapiitulu 1 versiikulu 8. Nwiriyaane. Kinrowa opacerya e—eversiiikulu 6. Alavulaka n'aKalasiya.

Vookitikiniha wira nyuwo naanaanoru moomuhiya ole aawitthanneni ni mahala a Kristu munatthara ehapari ekina:

Yeeyo ehikhanle ekina; masi aakhala atthu akina anooxankihani, ni . . . ohuluwa ehapari ya Kristu.

Masi hata hiyo, wala nlaikha ninkhuma wirimu, (owo aamukhala namukuttho, paapa, mulaleyi, onakhaleru pani) . . . hata hiyo, wala nlaikha ninkhuma wirimu, onoolaleeryani ehapari ekina ohiya ele noolalenyahuni, owo atakhaliwe.

Ni ntoko . . . Ni nihimaly'ahu khalayi, ni vano kinnitthikela woohimeeryani, Akhala mutthu onoolaleryani ehapari ekina ohiya ele nyuwo mwaakhenly'anyu, owo atakhaliwe.

⁶⁷ "Hiyo nakumiha Nuulumo nimoso mBibiliani," Wiisuupulula 21 ahiiso 22, ni, "wala wuncererya etthu emosa Memmo, voosuwela, yoowo onookumihiwa muLiivuruni mw'Ekumi, wa hiyo." Tivo, Iyo ti ikupalelo saka.

⁶⁸ Kahi wira kahaattitimihe atthu anthuna omiseriwa, oyecheriwa maasi wala opwinihiwa, mwa "Aithi, Mwaana,

Eroho Yowarya,” eyo ti yawinyu voolakela, munn’aka oophentiwa, murokor’aka. Nkaarowa ovaanyihana ni nyuwo, miyo paahi. . . Nyuwo mwa—nyuwo mwa murumeyi a Muluku.

⁶⁹ Masi, wa miyo, kihaana okhala oororomeleya ni eekeekhai ni Bibilia. Tivo, Paulo aahaaruma atthu, yaapatisiwe enamuna ekina ohiya Nsina na “Yesu Kristu,” ni aahaakhanyererya orwa ni opatisiwa-tho, mwa Nsina na Yesu Kristu. Wira kilaleye Ehapari yooreera emosaru, kihaana wira etthu emosaru, wira kaakhottihe ni kaakupalihe atthu. Muhikhalakhale muhiyaka ekerej’anyu; mukhale ni pastore anyu, mwiire sothene munwery’anyu okereja wanyu, masi mutthare miixuttiho sa Bibilia! Tivo hiyo ninnaamini, voosiis’ula, wira Yesu onimoorwa. Nto keemela-ru nihiku nenlo. . .

⁷⁰ Vano, khino eliivuru y’eyaaminelo eri saana. Nkikhanle othanyaka. Siiso ekhanle-ene saana. Masi, ni khino ekereja Katolika yookhalana oruma. Miyo nkisuwenle. Nto vakhala wira nyuwo aKatolika va, ni munuupuwela wira ekerej’anyu yookhalana oruma, *Ela* awo anihimya wira Eliivuru aya yoopacerya. Vano xeeni okuxaka ele mutthu a vano ohimaly’awe, okathi Kristu, Mulipa-ookhaliha ekerej’anyu, orumme-ene *Ela*, paapa anyu oopacerya orumme-ene *Ela*? Nrowe nimutthare Bibilia, maana kinnaamini wira Eyo ti Ekeekhai!

⁷¹ Vano niitthokihaka, kintthuna wira ale anrowa opatisiwa erwe ohoolo yeemele va, wira niwerye wooniherya olumwenku wira ninnimwaamini Yesu:

Yesu akhalaka, Owo ooniphenta; akhwaaka,
 Owo oonooopola;
 Avithiwaka, Owo ooroiha itampi sahu
 ottaiwene;
 Ahihimuwaka, Owo ookhaliha naxariya
 mahala-ene voohimala:
 Ninnaamini wira nihiku nlo Owo onimoorwa,
 ninlopelela nihiku nle noovuwa!

⁷² Nto nyuwo munoorwa voosiis’ula ohimya wira etamp’ile kilaleiy’aka mwaha wa yeeyo voosiis’ula, itampi sa molumwenkuni, soohukhumwa ni sihiwiwa, nto nyuwo khamuhiyo-tho murumeyi a etthu yeeyo, masi ehookhwa. Nto nyuwo munoorwa wira musikhiwe mwa Nsina Nawe Ole ookhwenleni, ni oivale etampi mwaha wa nyuwo, ni khuhihimuwa wira mukhalihiwe naxariya. Nto nyuwo munikhala oomalela, mwa Yoowo; kahi mwa hata ekereja, kahi mu Branham Tabernacle, kahi mooxirikhani. Masi munikhala oomalela ni oolipa mwa Yesu Kristu!

⁷³ Nivekele. Pwiya, ela imaara sikina enkhala ntoko yoolipa, tthiri koosuwela wira kihaana apatthani ooreerexa va a waamini w’eKatolika, ni akina a Metotista a Wesley, ni, voohihoverya, anci-ene a oraaruu wootepa.

⁷⁴ Hiyo ninnaamini, Pwiya, wira “Atithi, Mwaana, ni Eroho Yowarya” ti Muluku mmosaru, masi miteko miraru Muluku a Wirimu orumenly’awe: emaara emosa w’aYuta, mwa Otiithi; emaara emosa mw’erutthuni, ntoko Omwaana; nto vano mwa Eroho Yowarya, muKereja. Kahi amuluku araru, hiyo khinnaamini, Tithi; maana Nyuwo khamukhanle okhoottaka Masu Anyu, okathi ohinkhaly’aya hata Muluku mukina woohikhala Nyuwo. Nyuwo muhimmye wira, “Miyi k’Apwiya Muluku anyu, muhikhalane amuluku akina.” Ni ninnaamini, Pwiya, wira Muluk’ula mmosa eekeekhai aahikhala mwa ihuhu tthaaru soovirikana: vathi va ikano; vathi va ehuhu y’oKristu okathi Kristu aary’awe mulaponi mw’erutthuni y’ethayi yaayariwe ni Maria harusi, khukhwa, kuhihimuwa, ni oonivuluxa hiyo, Ekereja; nto vano, mwa mukhalelo wa Eroho Yowarya, Namooni a ohihimuwa onkhala mmakhaleloni mwahu. Munilevelele itampi sahu.

⁷⁵ Ni kinvekela wira Nyuwo mmureerihe khula mutthu va, woohicala wiitakanxa xeeni wa mukereja wala muromolelo. Awo athu ankhalani ni anlya, ni aniphenta, ni antthuna orowa Wirimu. Awo ari ntoko hiyo othene. Ni hiyo—hiyo na—hiyo khanneererya ohittittimiha etthu wala muteko mutthu ovanry’awe mwa Nsina Nanyu, masi hiyo nimphavela paahi ohimya nuulumo na ororomela ninkhala muhina mwa hiyo, voolipa mwa Masu Anyu. Masu Anyu ti Ekeekhai.

⁷⁶ Tivo ninnivekela, Tithi, wira yaakhanle-ene amosa-amosa va Nyuwo mwaatthun’anyu wira epatisiwe-tho, mwaatthuniherye erwe ohoolo. Ni ale ahinatoko olapa w’eKristu, anrwa vano wira epatisiwe mwa Nsina na Pwiya’aya ohihimunwe, okathi xeeni wooreera wira, voosiisu wa Paasikha. Exeeni enikhaliha opatiiso? Okhala wira aahikhala Paasikha. Munivahe, Pwiya, wira khula mmosa ole onrwa, akhale ooreerihiwa ni oosarihiwa ni Eroho Yowarya, okhala wira awo antthuna siiso. Maana hiyo ninvekela mwa Nsina na Yesu. Amen.

⁷⁷ Vano, ale arwenle opatiiso, mwaamuwerya ovenya mweemele? wira niwerye okhalana muupuwelo w’atthu othene w’ale anrowa opatisiwa. Onookhala mmosa, anli, araru, axexe, athanu, athanu na mosa, athanu nenli, athanu neeraru, athanu na xexe, muloko, muloko ni mmosa, muloko nanli, muloko n’araru, muloko n’axexe, muloko n’athanu, muloko n’athanu na mosa, muloko n’athanu nenli, muloko n’athanu n’araru. Muloko n’athanu n’araru a yaawo. Vaareera. Kihaana nawinyu ottuli iwo, munna muthiyana ottuli.

Vano kaatthuna wira nyuwo othene, mweette murwaaka ohoolo nno okathi vakhani. Munimwiira?

Munirumihele, munna, “Kinniwerya omwiiwa Moopoli aka aihanaka”? Voomaaleleya ntoko munwery’anyu, vakhani-vakhani.

⁷⁸ Nto ntoko sinoon'aka, erwaaka muliinyani, kaasuwelaka athu, kinniwoona athu ankhuma ota w'opooma, ankhuma ikereja vekeekhai saarowa wuupuwela wira kaahikhuma mphironi vakhani, mwaha wo waapatisaka athu... (Mwaamutthuna osuserya epantt'ila nno vakhani, axinna, wira ala ottuli nno...? Ayo.) ...mwaha wo opatisaka mwa Nsina na Pwiya Yesu. Masi koophavela vekeekhai-vo okhaliha yoowiiweya saana ntoko sinsuwel'aka moota wo okhaliha. Munnona?

Vano, nla nikhuru nooreera n'athu. Kintthuna nyuwo othene murukunuwele w'athuni, ntoko so. Vaareera.

⁷⁹ Athu ala yeemenle va, anrwa vootthariha mulipiheryo awo anaamini aya wira Yesu Kristu Mwaana a Muluku, wira Owo aari...aahihaawa vathi va Ponsio Pilato, ni aahikhomeliwa vamwiikimahyo oKalvario, khukhwa, khuvithiwa; kuhihimuwa mmurotoni mwaya, khuxintta okhwa, omooroni, ni mahiye, ni oowela Wirimu, khukilaathi moonoo woolopwana wa Omwene, wira alapeleke mwaha wo olapa waya. Awo vano aawooniheryani wira anaamini yeela ni nttittimiho ni murim'aya wothene, ni aalapa itampi saya ohoolo wa Muluku, ni aakupalihiwa wira Yesu ti Mwaana a Muluku, ni aamukupali Owo okhala Moopoli aya yaawo.

Yakhala siiso, nvenxe matata, nyuwo othene mweemenle siiso. Nvenxe paahi. Uh-huh.

⁸⁰ Tivo, akina aya t'aKristu okhuma khalayi. Aмоса-amosa w'ale apatisiwe mwa nsina n'Atithi, ni na Mwaana, ni na Eroho Yowarya. Ni awo aakupalihiwa olelo wira—wira Yoolempwa ni enamuna y'opatiiso y'arummwa ti mwa Nsina na "Pwiya Yesu Kristu." Nto awo ahoorwa, yaaminiki yeela, ni aakupali, ni annikhupaara yeela, ni animuupuwela wira eyo Ekeekhai okhala wira Yoolempwa enniixuttiha.

⁸¹ Vakhala wira owo eemenle muliinyani, munoovenxa matata? nyuwo mupatisiwe khalayi ni munthuna...mwa nsina na "Atithi, Mwaana, Eroho Yowarya," nto vano munaamini mwa "Pwiya Yesu Kristu." Kooxukhuru.

⁸² O Pwiya, Mpattuxa Wirimu ni vathi, Mwaneene Ekumi ehinimala, va amphwanyaneya alopwana, athiyana, amiravo n'aximwali, kintthun'aka oweetiherya va vama hiye ala a Paasikha. O Muluku, nihiku nlo, khino nihiku nla nlelo, kihaana weemela ni yaawo Opwaro w'Olamuliwa. Nto okathi Mukhulupale muulupale onrw'awe ohoolo mwa ikuwo Sawe suulupale s'omwene; ntoko murumeyi a Ehapari yooreera, kihaana weemela ohoolo wa Bibilia ola ookhunliwa ni waakhula mwaha wa ele kiwiixuttihaly'aka athu. Kinnoova, Pwiya, mowoovani, woova wa nttittimiho, wira kihixuttihe etthu eri yoovonyeya, vano nto sothene kiniir'aka saamuriheliwa ota. Maana, Nyuwo moohimya, "Mpakha erimu ni vathi ovira,

khanivo hata Nuulumo Naka nimosa ninrowa ovira.” Ni Nyuwo moohimya, “Moolumo othene a mutthu ekhale oovonyeya,” nave Awinyu ekhale eekeekhai.

⁸³ Tivo, Pwiya, kinikhala ntoko murumeyi Anyu mahiku ala avinre, kaakhanyereryaka awo orwa wira epatisiwe-tho. Wira kihimye yeeyo nihiku nenlo, wira, “Kihira sothene kinsuwel’aka moota wo wira. Ohoolo wa wuulumeliwa, ni sikina, masi koophavela okhala oororomeleya ni Bibilia ola.”

⁸⁴ Mwaavahe, Pwiya, wira makhalelo aya ekhale oowuncereriwa ni ooreerihwa, ni ehaahaleleke hat’etthu. Eroho Yowarya emurweele khula mmosa a ale ahaakhenle Yeeyo nlelo. Ola okhale okathi wa ohihimuwa, nikhuru nla n’atthu ninrow’aya ohihimuxiwa, ni ekerej’ela enrow’aya osarihiwa ni Owerya wa Yesu ohihimunwe. Wira nikhume mpaani mu olelo, niiraka, “Mirima sahu khisaaniviha muhina, okathi Owo aalavul’awe ni hiyo mphironi.” Munivahe, Tithi. Ntoko murumeyi Anyu, ni itthu iya sa erutthu, moota onkele’ahu ohoolo vano wira niuwelele Sooruma Sanyu. Mwa Nsina na Yesu Kristu, Mwan’Inyu. Amen.

⁸⁵ Vano athiyana, kookupali, erowe esaala *ela*. Ti siiso? [Munna Neville oniira, “Ti siiso.”—Mol.] Wenno nno weiwo onrowa okhala wiitthokiha, athiyana a mukereja anrowa okhala mapuro aya nno n’athiyana ala, epantte ya moonoo aka woolopwana. Alopwana anrowa epantti *ila*, ekhanle epantte ya moonoo woothiyana. Nto Doc, atthuna vale, aaruuhe aluuxu aalupale nipuro n’opatisa, atthu othene anoorowa owerya woona muteko w’opatiiso. Nto Munna Neville onoocholela masipo wa miyo, atthuna vale. Nto ninoo. . . [Munna Neville onlavula ni Munna Branham.] Wesu muhele elo vakhiviru. [Nipuro vahiitthu mufiitani.]

⁸⁶ Wira owo aahirowa o, mpakha Corydon, wa muthiyana mmosa ahaari hat’etthu woohikhala eruku ya muthiyana, ni kankuru, khimurumihela efiita, ya mmosa wa mithukumano, vano muthiyany’owo oovuluwa voomalela, aari mukhwipi, akweseryaka mataakhuru. Mameetiku khanwerya ophwanyana hat’etthu ya kankuru awe.

⁸⁷ Mahiku vakhani avinre, muthiyana mmosa aakilanthe va, kaamukohaly’aka wira, vamuthukumanoni mwaamukhaani, “Khinaakhalana okathi w’okawa ittikitti sa mavekelo, tivo kinookoha paahi, akavi va ahinatoko okhala mmithukumanoni mwaka khalayi?” Anci-ene aavenxa matata. Eroho Yowarya yuulupale khuvira nipuro nlo khupacerya olamula miyuupuwelo s’atthu ni itthu saatthuneya wira yiire. Aahikhala tutthu mwaamukhaani vale aakhuma nipuro nlo oGeorgia, aarina eretta ya nikhuli, okhuma okathi waayariwaawe. Mahiku manli ohoolo waya, ookhala aalikanri, ahiiso mahiku vakhani ohoolo

waya, khwira, “Eretta ya nikhuli yaamulakaseya mwa tutthu uwo.”

⁸⁸ Muhano mmosa okilante va, onrowa wooperariwa, ni kankuru muulupale mpararini mwawe, aarowa wooperariwa, Enamanli yootharelana. Eyo yaari Ettiminku. Owo aarwiiye ni namuhapaliwa a mwale, aari, Rosella Griffith. Nto varwiiya’awe muthiyan’ola, nto Eroho Yowarya khupacerya omuleela wira aari pani ni otthu aakhummy’awe, Khwira, “Nyuwo pooti wupuwelaka wira Rosella oroonileela eyo.” Vano Eroho Yowarya khurowa khimuruuha mwan’awe voowiriyani, khuhimya sa mwaana, nto khwira, “SIISO ANIHIMYA T’APWIYA, muwe ole woorowa.”

⁸⁹ Nto Namanli voosisu okathi oronw’awe wira amwaleiwe, ahiiso wira ooperariwe, okathi aratti othene a muteko, axexe a yaawo, kookupali, yaakhanly’aya vamosa. Awo khupacerya woona ephwitamwala, nto khiyaari-vo. Awo khimuhela muraayu xiixi, ni khuwiihana mameetiku akina, khutthikela onwariha ikuwo sawe khimuruma owaani, “Khiivo etthu mwa yeeyo nnakhala.”

Muluku nlelo Mulukuu! Muhipwetexe waamini, mukhale mwaaminiki paahi. Vaareera.

⁹⁰ Othene anyu mukivekeleleke okathi onrow’ahu oCalifornia, mmithukumanoni; munimwiira yeeyo vano? Nihaana orowa, ntoko, varyari va mahiku muloko wala muloko ni mathanu, oAngelus Temple, opacerya mahiku yeettaka mararu.

⁹¹ Numala ninrowa, okhuma weiwo, ohiyu umosa n’atthu a oSpaanya, nipuro n’othukumana atthu oLos Angeles, mahiku muloko ni mathanu na mosa. Muloko ni mathanu na manli, muloko ni mathanu na mararu ni muloko ni mathanu na maxexe, ninrowa okhala opwaro w’antoropa oSan Diego.

⁹² Nto numala ninrowa okhuma weiwo, nirowe oSan Jose. Ikilomo miloko mixexe ni thanu na tthaaru okhuma Oakland, okhala wira khinaawenrye ophwanya nipuro naarin’ahu mwaisana. Awo animuttikha musewe a muxeeluni iwe. Nto nookhalana nipuro nootumiha, vaavo anrowa okilaathi, woona waka, khino atthu ikonto miloko miili. Ni aakhalana ikereja miloko mithanu na mosa n’emosa sa Ehapari yooreera yoomalela siilepinhe mwaha wa muthukumano. Nto ninniwehererya okathi muulupale iwe wa isumana soophiyaka piili.

Apwiya yooreeriheni. Ni mukivekelele, vano.

⁹³ [Munna Neville oniira, “Kinthuna paahi kihimye muhupi ula mukhaani, wira amosa-amosa w’axinn’ihu anrowa okawanela esaala ele, ottuli iwe, ohiy’ula, enooweryaneya okilaathi atthu emiya emosa akina, miyo. . .” Nipuro vahiitthu mufiitani. Muthukumano oniipa, *Kinrowa Muttethe Wa Natiri*, Munna Branham n’atthu yitthokiheryaka opatiiso wa

mmaasini. Munna Branham onaapatisa anamwiiwahererya, moolumo awe manci-ene kxanthokorererya—Mol.]

⁹⁴ ...?...weettela sothene Nyuwo murummy'anyu. Va...[Nipuro vahiitthu mufiitani—Mol.] ...ovahere-... [Nipuro vahiitthu mufiitani.]...ela, munn'a-...[Nipuro vahiitthu mufiitani.] ...ni olapa wawe...[Nipuro vahiitthu mufiitani.]...na Pwiya Yesu, ni osareya wawe...?...[Nipuro vahiitthu mufiitani.]

⁹⁵ (Xeeni ekhanle yawinyu...?...Nyuwo pooti olipelela mpakha...?...waahiya yeemenle-ene vaava...?...Oh, oriirya, oriirya wootepa...?...Nookhalana etthu va...?...Nsina nanyu ti pani, murokor'aka? Munkhuma yayi? Mwaana a Opal Weaver. Um-hum. Ame anyu yoopoliwe mookhwaani, kahi siiso? Opal Weaver, awo yaarina kankuru. Ti yeeyo. Ahe, nyuwo khamuhiyo nfulumeera aari weiwo nihiku nenlo kaaruuly'aka weiwo? Mmosa w'ana awe athiyana aasoma onfulumeera. Ayo. Okathi ovolonw'aka wira kinvekelele ohiy'ule iwe...Vaareera. Muhano Kennard, mootoko opatisiwa khalayi? Omiseriwa. Ayo. Vano, nwehe epant'ila paahi. Ti yoooreera. Vaareera...?...Ale t'ame anyu vale?)

Ola ti Muhano Kennard. Ni w'atthu okereja va, ola mwaana a Munna muthiyana Opal Weaver.

⁹⁶ Nto nyuwo othene munnimusuwela Opal Weaver, ni etthu yiiraneieye mwa makhalelo awe. Owo aari makhuvuru paahi, ni kankuru, mameetiku yaahimuhiya oohiroromela. Nto Muhano Weber namwaattamanani, okhanle mmusi aya, nihiku nimosa okathi waarwiiy'aka okhuma Onkela nsuwa, mwaha wa muthukumano, khukivekela orowa weiwo omoona Muhano Weaver. Muhano Weaver khwira, "Munna Branham, nkimpfwanela wira murumeyi a Kristu akele mpa mwaka, okhala wira ka natampi." Ni owo khaalavulaxa sa ovoniha wa Muluku, masi aalavula mwaha wa itampi sawe. Owo khaatthuna okumana ni Muluku ntoko natampi. Nto vaavale owo aahivahererya ekumi awe wa Muluku. Nto waari...khurwa etanki ila, oothananiha ni oolipa saana, ni metto sikhaani ni miyoono, mpakha ooney'awe ntoko makhuvuru, khukela mmaasini mu wira apatisiwe mwa Nsina na Yesu Kristu. Owo omphwanyaneya vale anlaka vano, onwehaka mwan'awe ovira moopatiisuni omosaru owo aary'awe-mo.

⁹⁷ Ti nyuwo, nyuwo mweemenle vo, khamuhiyo, Muhano Weaver? Nkakhumani, wira awo yoone moota onlikan'awe vano. Miyaakha sinci-ene sivinre, makhuvuru oophiyaka ntoko ikhiilu muloko ni thanu na tthaaru. Nto ola mwan'awe onkhuruwela etanki emosaru, mwa Nsina na Yesu Kristu.

⁹⁸ Muluku ooreeriheni, Munna Kennard muthiyana. Muhele moonoo anyu ntoko sa, Munna Kennard. Nvarele saana

mukhupaaraka wawaka. Ti yeeyo. Vano, eyo ti yoolikana, nwehe paahi epantt'ila nno. Vano nrowe nuuramihe muru ahu.

⁹⁹ O Pwiya Muluku, Mpattuxa a Wirimu ni vathi, Mwaneene Ekumi ehinimala, ni Nanvaha a yoovaha yothene yooreera. Ntoko muthiyan'ola sirwiiy'awe voosiis'ula, asuwelaka wira Nyuwo muhaavenxa ame awe mw'erukuni ya okhwa, okhala wira aahiwiwelelani mwa opatiiso wa mmaasini, ntoko saahimmy'awe wira aamwiira. Owo onnoorwa voosiis'ula, asuwelaka wira owo oroomiseriwa paahi, ni khaasiveliwe wira owo waari opatiiso w'arummwa. Owo onnoorwa vano wira amaliherye yoothuna ya murim'awe ni yooruma ya Muluku. Tivo, Tithi, kinvekela wira Nyuwo mmusarihe Eroho Yowarya. Ni mmuthuniherye okhala ekumi yoolekela, oohakalala, ni ekhale ya muteko wa Nyuwo.

¹⁰⁰ Nto mwaha w'ohimya wanyu wo waamini wanyu, ni wiivahererya wanyu wa Pwiya'ahu, miyo kinnoopatisani, murokor'aka oophentiwa, mwa Nsina na Pwiya Yesu Kristu. Amen.

¹⁰¹ (. . . ? . . . Vano, mmuruuhe mutthu ohoolo wanyu, nno, wira elimalele maasi. Moone . . . ? . . . Mwaaruuhe vakhiviru . . . ? . . . Tithi, murwe nvarele ntata nawe . . . ? . . . Mmuruuhe mutthu mukina va. Vaareera. Kimmuthuna mukina . . . ? . . . Ti yeeyo . . . ? . . . Mweemele, mweemele vaavo vo . . . ? . . . Ti yeeyo. Vaavo vo, mweemele vaavo vo . . . ? . . . Belvin. Vano, mmuruuhe mwaaruusi mukina nto mmuhiye eemenle-ene ottuli iwe, wira alimalele maasi . . . ? . . . mukhale mmuruuhaka mukina vathi va, wira alimalele vakhani. Vano, mweemele ottuli epantt'ila, munna. Ti yeeyo. Vaareera, vaavo. Belvin, a oMichigan . . . ? . . . vaareera. Kinoona wira ela t'inamuna nyuwo . . . muhele ntata nanyu va. Vaareera.)

Munna Belvin muthiyana, Maria, onkhuma waattamela oBattle Creek, Michigan, onrwa opatisiwa-tho mwa Nsina na Pwiya Yesu.

¹⁰² Athtu, etthu naakhalenly'ahu oowaanyiherya vakhani nto, nnakhala vo ovihaxa okhalaka mmaasini mu wa okathi vakhani, vathi va etanki nlelo ti vooriirya ntoko exeelu. Nto mwaha wa yeeyo ninaahiyaahu orwa paahi, wira elimalele maasi.

Ni kinaavekela wira, yaaruuhe paahi wira ekhale evolowaka voohihyererya, mmosa okathi wothene.

Tivo vano mwakipweherya-ru miyoono sanyu paahi mwa sawaka, Munna Belvin, sa, mukumanihe matat'anyu. Ti yeeyo. Vaareera. Vano nivekele.

¹⁰³ Tithi a Wirimu, Oomalela a Xariya, Mwaneene Ekumi ehinimala, Nanvaha a yoovaha yothene yooreera, munveleliherye iparakha Sanyu muthiyan'ola onrwa akhumaka oMichigan, wira amutthare Mwan'Inyu mwa opatiiso voosiis'ula, mutankini mu mooriirya. O Pwiya, mwiwe

mavekelo a murumeyi Anyu. Ni kinvekela wira Nyuwo musarihe makhalelo awe ni Owerya Wanyu, itthu sooreera sa Wirimu. Ni, kimpatisaka ni maasi, mmusarihe Eroho Yowarya ni owerya wo woorumeelani Nyuwo. Munvahe, Muluku Ohinimala. Ntoko Nyuwo sinirummy'anyu orowa mulaponi mothene ni waakhaliha awiixutti a maloko othene, naapatisaka mwa Nsina n'Atithi, Mwaana, ni Eroho Yowarya, niwiixuttihaka weettela sothene Nyuwo munirummy'anyu.

¹⁰⁴ Tivo mwaha wa olapa itampi sanyu, ni omwaamini wanyu Mwaana a Muluku, kinnopatisani, murokor'aka oophenteya, mwa Nsina na Pwiya Yesu Kristu. Amen.

(Nsina nanyu ti pani, huh? Joseph exeeni? Blade? Nsina nawe nookiserya ti nvi? Exeeni? Blade. Vaareera. Mweemele paahi okhuma va, mwan'aka, mwaaweryaka, xontte? Vaareera. Vano, mweemele vo, munna, wira . . . Ti yeeyo. Vaareera.)

¹⁰⁵ Va ori mmiravo mmosa ooreera murima, Joseph Blade. Mwammirav'ola onrumihaka ikaruma ohoolo w'atthu anci-ene ntoko ikonto emiya ni ikonto miloko mithanu. Owo onoorwa okhala mulaleyi mwaamukhaani. Nto onrwa wira apatisiwe mwa Nsina na Yesu Kristu, kahi mwaha w'okhanyereriwa n'atithi awe, ame awe, masi mwaha w'okupali wawe mwaneene owo ohoorwa. Owo ohaana orumiha oxekuw'ola, nipuro nimosa nno oIndiana; masi aahithuna olipelela mpakha ela wiiranepya, okhala wira owo ookupali wira ela ti yoolikana. Ti yoolepwa mwa Soolempwa, "Mwanamwane mmosa onimwaahoola." Nuuramihe miru sahu. (Nvarele moonoo wa Munna Branham. Eyo t'inamuna, mmiravo, vava *va.*) Nivekele.

¹⁰⁶ Pwiya Muluku, yoolepwa wira, "Mwaahiye anamwane ekirweeleke Miyo." Va ori Joseph mwaamukhaani. Kuupuwelaka nsina nlo, kinimuupuwela mwanamwane aka yoomi. Kinvekela wira Nyuwo mmureerihe Joseph mwaamukhaani, musarihe makhalelo awe ni Eroho Yowarya, Pwiya. Mmukhalihe, munvahe sinthuna murim'awe, mmuthuniherye akhale mulaleyi a Ehapari yooreera. Munvahe ocaaliwa mwa sothene siniir'awe. Nto mwa oruma Wanyu, Pwiya, ntoko Nyuwo sinirummy'anyu orowa mulaponi mothene ni waakhaliha awiixutti, naapatisaka mwa Nsina n'Atithi, Mwaana, Eroho Yowarya, ni niwiixuttihaka weettela sothene Nyuwo sinirummy'anyu.

¹⁰⁷ Ni mwaha wo olapa itampi sa mwammirav'ola, ni omwaamini wawe Mwaana a Muluku, miyo kinnoopatisani, mwammun'aka, Joseph, mwa Nsina na Yesu Kristu. Amen. Amen.

(Nsina nanyu ti pani, murokor'aka? Myers, Munna Myers. Oh, ola ti Munna Downing muthiyana va, munookela-ru mmaasini.) Atthu ala t'oTennessee.

¹⁰⁸ Ola ti Munna Myers muthiyana, onikhuma oMemphis, Tennessee, wira akumane ni Pwiya'awe m'opatiisuni voosiis'ula.

Kinoona wira mootoko opatisiwa emaara emosa mu . . . mury'ene mwaana. Nto munimoorwa vano wira mpatisiwe mwa Nsina na Pwiya Yesu Kristu. Mwavarela-ru moonno aka paahi, Munna Myers, kookupali, mwarukunxa-ru matata oomanli khino. Kookupali, muhano okathi vakhani ovinre. . . Ti yeeyo. Ti yooreera. Nuuramihe miru sahu.

¹⁰⁹ O Pwiya Muluku, Ole omuhihimunxe Yesu mw'alipa-ookhwa, ni onivanhe onamaoona ni Eroho Yowarya, neemenle mmahiye mu mooriirya voosiis'ula, nisuwelaka ela, wira, vekeekhaixa ntoko Yesu okhummy'awe mmahiye, siiso hajo ninoohihimuwa Nihiku nlo. Nihiku nlo, Yesu apisa vale, ninoorowa m—mmahiye mwa marove, soonanara sinimwiittheleliwa vasulu vahu. Masi khaavo mahiye anwerya onivarelela. Yesu onvaha natiri wira, "Ole onaamini khupatisiwa, onimooowa." Mwamuthiyan'ola onoorwa olelo, ni murima wo wiivahererya voomalela, aaminiki wira Nyuwo munoomwiirela yeela. Tivo, Pwiya Muluku, Mpattuxa Wirimu ni vathi, ni Mwaneene Ekumi ehinimala, munveleliherye iparackha Sanyu, okathi ommalihery'aka yooruma Nyuwo munivahaly'anyu wira niire.

¹¹⁰ Mwaha w'ohimya omwaamini wanyu Mwaana a Muluku, miyo kinnoopatisani, munn'aka oophentiwa, mwa Nsina na Yesu Kristu. Amen. Muluku ooreeriheni, munna.

¹¹¹ (Munna Downing muthiyana ori vaava. Murwe wa miyo.) Ola ti Munna Downing, nave-tho a oMemphis, Tennessee. Muluku onnikhalaka ooreera murima wa emusi ila; moota Owo onkhala—onkhalak'awe w'ame awe, yaawo yaakhanle okathi munci-ene ewereiwaka. Ola ti mmosa w'apatthani oolokaxa a amwaar'aka. Nto onoorwa olelo, kahi mwaha wo okhanyereriwa, owo onoorwa mwaha w'okupali, wira onttuna opatisiwa mwa Nsina na Yesu Kristu. Muluku, amureerihe muthiyan'ola.

¹¹² Kintthuna kihimye ela. Kaamwamputi onvaha mutthu nluwa naamukhaani vano, ohikhanle nleha nothene na ithutu emanle-ene orowa. Kinninwehaka muthiyan'ola mwa miyaakha sinci-ene, okhuma okathi kikenly'aka m'orumeyi. Nto muthiyan'ola, kisuwelaka sa khalayi sawe, sa etthu onkhalak'awe ni etthu iiraly'awe; owo aarina murima woosareya mixankiho, masi onnikhalaka mmosa wa ithoonyeryo s'oKristu. Kinnitthapa vanwery'aka ohimya yeeyo voosiis'ula. Ni owo t'osuweleyexa, wa miyo, ntoko muKristu owiivahererya. Kinnitthapa oweriyaka ohimya eyo mwaha wa yoowo, kihinatthi ompatisa mwa Nsina na Pwiya'awe.

¹¹³ Mukuxe matata oomanli khula enamuna entthun'anyu wira, Munna Downing. Iwe enookhala saana. Mukhune ikatha sanyu ntoko sa, kookupali wira sinoowiirihani okhuma saana.

¹¹⁴ Muluku Oowerya sothene, Mpattuxa Wirimu ni vathi, ni Mwaneene yoovaha yothene yooreera, ni Mwaneene Ekumi

ehinimala, Nyuwo mooniruma orowa mulaponi mothene ni waakhaliha awiixutti a maloko othene. Ela, Pwiya, hiyo nihiira voottittimiha. Nto kinvekela wira Nyuwo mmwaaakhele muthiyan'ola, mwaha w'okupali wa murim'awe; numala emaara emosa okhala mwa nsina n'Atithi, Mwaana, ni Eroho Yowarya. Kahi mwaha wo wira kiroohimya; okhala wira owo orookupali wira eyo enamuna Anyu y'arummwa ni yoopacerya yooloka ya opatiiso, ntoko Ekereja yoopacerya yaapatis'aya. Owo onrwa ntoko—ntoko Paulo sihimaly'awe, a khalayi. Nto, Muluku, miyo—miyo kinvekela wira Nyuwo mmwaaakhele. Ni koosuwela wira Nyuwo munoomwaaakhele. Ni mukhalihe makhalelo awe oohakalala vano. Munvahe yoothuna ya murim'awe.

¹¹⁵ Ni mwaha w'ohimya omwaamini Yesu Kristu, ni wo wiivahererya wanyu wa Yoowo, kinnoopatisani, murorkor'aka oophentiwa, mwa Nsina na Pwiya'ahu Yesu Kristu. Amen. Amen. Attottopeliwe Muluku!

¹¹⁶ (Oh, kookupali wira nyuwo munootharelana, mulopwana, munvolowa. Nsina nanyu ti pani? Henry Blade. Vaareera.) Ola ti Henry Blade, mmiravo onrwa wira apatisiwe mwa Nsina na Pwiya Yesu Kristu. Nyuwo mwa munn'awe mwammiravo onammala-ru opatisiwa? Ni, nyuwo munnirumiha nsipo? Mukina a nikhuru, onrumiha nsipo, oniihaneliwa mapuro othene. Ookhala aakileela okathi vakhani ovinre, wira, awo annirumihasa ohoolo wa mithukumano suulupale mapuro othene. Nto owo orwiiye mwaha w'okupali, wira apatisiwe mwa Nsina na Pwiya'Awé ohihimunwe. Munooverya owela va, Munna Blade? Muhele matata oomanli ntoko *sa*, mukhupaarele moonoo aka. Ti yeeyo. Nivekele.

¹¹⁷ O Pwiya, Mpattuxa Wirimu ni vathi, ni Mwaneene Ekumi ehinimala, ni Nanvaha a yoovaha yothene yooreera, munveleeliherye iparakha Sanyu mmirav'ola onimpatis'aka mwa Nsina na Mwan'Inyu. Munvahe, Pwiya.

¹¹⁸ Mwaha w'olapa itampi sanyu, ni omwaamini wanyu Mwaana a Muluku, miyo kinnopatisani nyuwo, munn'aka oophentiwa, mwa Nsina na Pwiya Yesu Kristu. Amen. Ahe, mwammirav'ole, areerihwe!

(Nsina nanyu ti pani? Exeeni? Myers.) Ola ti Munna Myers mwaamukhaani. Nrina miyaakha mikavi? Muloko.

Mutthu pooti wira, "Xeeni ompatisaka mwanamwan'ola?"

¹¹⁹ Yesu ohimye wira, "Mwaahiye anamwane ekirweeleke Miyo, muhaakhoothiherye, Omwene wa Muluku ti wawaya." Mwaahiye erweeke! Mwanamwan'ola onthuna opatisiwa. Kookupali wira yaahaana orowa okuxa ikuwo sa yoowo, wala etthu, wira apatisiwe. Owo ookupali. Nivekele.

¹²⁰ Pwiya Muluku, Mpattuxa Wirimu ni vathi, Mwaneene Ekumi ehinimala, ni Nanvaha a yoovaha yothene yooreera, munveleeliherye iparakha Sanyu mwaan'ola, onrwa wa Nyuwo

voosiis'ula, mmahiye mu mooriirya. Okathi onimpatis'aka ni maasi, mmusarihe Eroho Yowarya.

¹²¹ Mwaha w'olapa itampi sawe, ni omwaamini wawe Mwaana a Muluku, kinnoopatisani, mwamunn'aka, mwa Nsina na Pwiya Yesu Kristu. Amen. Oreerihiwe murim'awe mwaamukhaani!

¹²² (Vaareera, Munna Ungren.) Muhan'ola va, onnikhalaka etthuvo ya mahala a Muluku. Ola ti mwenye...Muhano Ungren, mai awe mwaaruusi Downing ni mwaaruusi aari owo ahinatthi, yoowo omanle opatisiwa. Awo othene ankhumasa oMemphis, Tennessee. Ola mpatthan'ihu mwa miyaakha ni miyaakha. Ni owo t'a ekereja emosa ya oraaru oMemphis wu, Tennessee. Nkaarowa omuleela Munna Ungren wala hata mutthu wira ahirowe okereja. Vekeekhai, murowe okereja wanyu. Eyo ti yooreera. Masi, owo khoniira eyo mwaha wo wira orookhalana etthu ya nthowa ni ekerej'awe, owo oniirela mwaha wo wira orookupalihiwa ni Ehapari yooreera wira ola opathiiso w'arummwa. Muluku ooreeriheni, Munna Ungren. Owo aahiwereiwa, aviraka okathi mmosa wa makhalelo, khomukhalinhe saana.

¹²³ Ni Munna Weaver muthiyana, okhala wira mweemenle va, ni namoona wira—wira...Ni anci-ene a nyuwo va munsuwela eyo, okathi mpatisiw'anyu-tho mwa Nsina na Yesu Kristu, amosa-amosa a nyuwo ota iwo ni kankuru ni mwahaawerya okhala saana; okathi mpatisiw'anyu-tho mwa Nsina na Yesu, kankuru khoohiyani. Muhano Weaver mmosa a yaawo. Ni muhano epante ekina y'ephiro iwe ti mmosa a yaawo, ewiirale.

Ni miyo kinnimuroromela Muluku wira ela enrowa okhala emalelo ya ohaawa wanyu, munna, okhala wira mootthariha Sooruma sa Muluku.

Vano muhele miyoono sanyu nvarele sawaka, khula enamuna entthun'anyu ovarelela. Nivekele. Vaareera.

¹²⁴ Pwiya Muluku, Mpattuxa Wirimu ni vathi, va omphwanyaneya murumeyi Anyu, ni owo onniwereiwa woovira okathi, masi, O Pwiya, owo omphwanyaneya va olelo mutankini mu, wira apatisiwe mwa Nsina na Yesu Kristu. Pwiya, kinnaaphenta atthu ala, ni kinnaavekelelaka voohihyererya, wira ewerye woona Waarya nno wuulupale. Maana, kinnaamini, Pwiya wira eyo, murim'aka wothene, wira t'inamuna Nyuwo munirummy'anyu wira nirowe. Kinvekela wira Nyuwo munvonihе Munna Ungren vano. Wira khula eneneeryo y'eretta ehiiwe mutankini mu. Wira owo avenye mwa ekumi esya, ni mwa owerya wa ohihimuwa wa Kristu.

¹²⁵ Mwaha w'onamoona awe ni olapa wawe, ni waamini wawe Masu a Muluku, kinnimpatisa, munn'aka oophentiwa, mwa Nsina na Pwiya Yesu Kristu. Amen.

(Vaareera, munna. Kookupali wira nyuwo mwa funti a raatiyu, khamuhiyo, wala etthu? Mutthu a raatiyu. Munoowerya

orukunuwa mweemele? Nsina nanyu ti pani? Bert Maine. Mwarukunuwa...Ayo.)

¹²⁶ Ola ti Munna Bert Maine, mulopwana a raatiyu, mulopwana a ihapari, mulipa-oohimya ihapari a misoora sa raatiyu, okupanli wira opatiiso wa mmaasini mwa Nsina na Yesu Kristu ti woolikana. Mootoko opatisiwa khalayi, munna? Owo ootoko opatisiwa khalayi, mwa nsina “n’Atithi, Mwaana, ni Eroho Yowarya.” Masi ookupali mwaha w’osoma Masu, wira ela t’ile yaatthuneya owo wira. Mulopwana a munnuwelo awe ni muteko awe, onrwa olukama mmaasini, otthuna wira Muluku amureerihe ni anvahe ele Owo orin’awe wa makhalelo awe. Muluku amureerihe murumeyi Awe ola ooromeleya.

Mweette paahi murwaaka va paahi, Munna Bert, muhele miyoono soomiili mwa wawaka, ola va. Ti yeeyo. Nivekele.

¹²⁷ Pwiya Muluku, Mpattuxa Wirimu ni vathi, ni Mwaneene Ekumi ehinimala, ni Nanvaha a yoovaha yothene yooreera, munveleeliherye iparakha Sanyu munn’ola. Nto okathi onrwa’awe va ntoko namoona a mahala Anyu, namasoma a Masu Anyu, ookupali mmurimani mwawe wira ela t’ekhanle etthu yo wira, okhala wira ti orummwa wa Ekerej’Anyu yoowaarya. Eyo ti yoopacerya. Nto, Pwiya, hiyo nintthuna nitthare Sooruma s’ale aneetta ni Nyuwo, maana vekeekhai otthuna wahu weetta ntoko awo seettaly’aya, okuxa ephiro arummwa yaanyakenly’aya. Khino olupatthiwa, khino owereya murima, khino mixankiho, khanisuwenle etthu erin’aya, masi, Pwiya, vakhala-ru wira Nyuwo munoocholela, noosuwela wira enookhala saana. Mmureerihe munn’ihu, musarihe makhalelo awe ni Eroho Yowarya, ni aivahererye mmansawe wo omurumeela Kristu.

¹²⁸ Tivo, mwaha wo ohimya waamini wanyu, ni okupali wanyu ela nyuwo entthun’anyu wira naanaano, munn’aka oophentiwa, kinnoopatisani mwa Nsina na Pwiya Yesu Kristu. Amen.

(Nyuwo mwa Munna...Munna Skaggs muthiyana. Nyuwo mwa mwaana a Munna Skaggs va, mpatthani aka? a o... a...?...))

¹²⁹ Ola ti Munna Skaggs muthiyana. Mootoko opatisiwa khalayi, Munna Skaggs? Moopatisiwa khalayi, mwa “Atithi, Mwaana, Eroho Yowarya.” Owo onoorwa voosiis’ula, mwamuthiyan’ola, wira avahererye makhalelo awe oowiivahererya wa Pwiya Yesu, wira amutthareke Yoowo mwa opatiiso w’arummwa. Apwiya yooreeriheni, Munna Skaggs. Munooverya orwa va vakhiviru vakhani? Muhele paahi miyoono sanyu khula enamuna entthun’anyu okivarelela. Nuuramihe miru sahu.

¹³⁰ Muluku oowerya sothene, Mpattuxa Wirimu ni vathi, ni Mwaneene Ekumi ehinimala, ni Nanvaha a yoovaha yothene yooreera, munveleeliherye iparakha Sanyu murumeyi Anyu

ula. Kinvekela wira Nyuwo musarihe makhalelo awe mahala ni iparackha sa Muluku, avahereryaka munep'awe wa Nyuwo, Pwiya, ni mmusarihe ni Eroho Anyu ni mphento.

¹³¹ Mwaha w'ohimya waamini wanyu, munn'aka oophentiwa, kinnoopatisani mwa Nsina na Pwiya Yesu Kristu. Amen. Amen.

[Mutthu mmosa onlavula ni Munna Branham—Mol.]
(Onakhale-ru pani, vakhala wira ookupalihwiwa, vaareera, ti yoolikana nto.)

(Vaareera. Nsina nanyu ti pani, vano?)

¹³² Ola ti Munna Henry B. Johnson. Owo aahirwa va Paasikha ovire wira apatisiwe, nto khaarina ikuwo sawe, ni oolipelela mwaakha ntero wira apatisiwe mwa Nsina na Yesu Kristu. Muluku amureerihe murumeyi ula ookhomaala a Kristu! Murwe va, Munna Johnson. Muhele miyoono sanyu mwa sawaka va, khula enamuna munoon'anyu wira munoowerya ovenya oratteene. Ti yeeyo. Ti yeeyo. Nrowe, nivekele.

¹³³ Pwiya Muluku, Mpattuxa Wirimu ni vathi, ni Mwaneene Ekumi ehinimala, Nanvaha a yoovaha yothene yoorera, nveleeliherye iparackha Sanyu murim'ola onwehererya. Oh, Nyuwo mwamoono akhumaka mmaasini mu, Eroho Yowarya yeettinhe mmaasini etthu yoopacerya, Eyo yeetteette mwa yoowo. Avahererye makhalelo awe, O Muluku, wa Nyuwo, muteko.

¹³⁴ Mwaha w'olapa itampi sanyu, ni omwaamini wanyu Yesu Kristu, miyo kinnoopatisani, munn'aka oophentiwa, mwa Nsina na Pwiya Yesu Kristu. Attotopeliwe Muluku!

(...?.?.ni nyuwo. Oriirya? Um-hum. Nrowe noone, exeeni...? Martha, ti yoowo, ahiiso...? Jo Ann.)

¹³⁵ Ola mwaaruusi mukina a mmosa wa...mwaana a Munna Downing muthiyana, Jo Ann Downing mwaamukhaani. (Ti siiso, munna? Murina miyaakha soophiyaka kavi? Muloko ni mixexe.) Owo ti m—mpatthani oomeekha a mwan'aka mwaamuthiyana, Rebekah, eemenle va oninweha apatisiwaka, mwa Nsina na Pwiya Yesu. Hiyo khaninreere otthapa olelo omoon Jo Ann mwaamukhaani, okhala ookupalihwiwa, mwaan'ola mwaaruusi, okathi olumwenk'ula ohireery'aya etampi ni ohononeya, owoona awo wira ethanlelo aya ni Yesu Kristu. Muluku amureerihe mwaaruusi ula. (Nvarelaka matat'anyu.) Nivekele.

¹³⁶ Muluku oowerya sothene, Mpattuxa Wirimu ni vathi, ni Mwaneene Ekumi ehinimala, munveleeliherye iparackha Sanyu mwamuthiyan'ola. Kimpatisaka ni maasi, kinvekela wira Nyuwo mmusarihe ni Eroho Yowarya. Munvahe wira makhalelo awe eemwali ekhale mu—mureeriho wa Nyuwo, Pwiya. Munvahe. Ni mulavule n'uwo, ni mukhale mwa yoowo, ni nvare muteko mwa yoowo, Pwiya, ni owerya wa Muluku.

¹³⁷ Mwaha wo omuhimya wanyu Mwaana a Muluku, miyo kinnoopatisani, munn'aka oophentiwa, mwa Nsina na Pwiya Yesu Kristu. Amen.

(Vaareera, Munna. Ame anyu ari vaava? Ayo. Wooriiryani. Nsina nanyu ti pani? Sharon Myers, nwehe nno, Sharon.)

¹³⁸ Sharon Myers, mwamuthiyana mukina onoorwa vano, onvahererya makhalelo awe wa Kristu. Mootoko opatisiwa, Sharon? Nnari, ela emaar'awe yoopacerya opatisiwa. Apwiya emureerihe mwamuthiyan'ola, ni esarihe makhalelo awe ni oreera murima wa Muluku ni mahala.

¹³⁹ Murwe va paahi, Munna Sharon. Muhele paahi miyoono sanyu soomiili sa, oophentiwa, kookupali, vathi *sa* yaamureerela. Khula enamuna munwery'anyu ovarela vano siiso, vaareera, Munna Sharon. Nivekele.

¹⁴⁰ Pwiya Muluku, Mpattuxa Wirimu ni vathi, Mwaneene Ekumi ehinimala, ni Nanvaha a yoovaha yothene yooreera, munveleeliherye omoriwa Wanyu ikharari munn'ihu va. Ni owo akhale mukumi ni akhale ethooneryo ya—ya oKristu w'ekeekhai, muttethe owo onikhum'awe-wo. Munvahe, Tithi. Ni ntoko Nyuwo sinirummy'anyu “orowa mulaponi mothene owiixuttiha maloko othene, naapatisaka mwa Nsina n'Atithi, Mwaana Eroho Yowarya,” niwiixuttihaka weettela sothene Nyuwo munirummy'anyu. Munvahe, Pwiya, wira mwaruusi ula aakhele iparakha Nyuwo mulaihenry'anyu.

¹⁴¹ Mwaha w'ohimya waamini wanyu, ni—ni wo wiivahererya wanyu wa Mwaana a Muluku, miyo kinnoopatisani, munn'aka oophentiwa, mwa Nsina na Yesu Kristu. Amen.

(Vano, ixapattho khasihiyo...Ayo, maala ale t'a ikuwo soonaana. Um-hum. Vaareera. Nto nsina nanyu ti? Sumner. Nwehe nno.)

¹⁴² Munna Sumner. Mwa a yayi, Munna Sumner? Okhuma oGeorgia, owo onoorwa voosiis'ula. Mootoko opatisiwa khalayi, Munna Sumner? Owo oopatisiwa khalayi, “Atithi, Mwaana, ni Eroho Yowarya.” Ookupalihwi wira ela Ekeekhai, owo onnoorwa voosiis'ula akhumaka oGeorgia, wira apatisiwe-tho mwa Nsina na Yesu Kristu, voosiis'ula wa Paasikha, ahimiyaka omwaamini wawe Mwaana a Muluku. Murowe epant'ila nno, Munna Sumner, muhele miyoono sanyu mwa sawaka. Nivekele.

¹⁴³ Pwiya Muluku, kimpatisaka ni maasi, kinvekela wira Nyuwo mmusarihe Eroho Yowarya ni Moor. Mmirav'ola, makhalelo oowiivahererya, Pwiya, mmurume orowa mmapuwani mwa muteko nipuro nlo, wira avare muteko Anyu.

¹⁴⁴ Ni mwaha w'ohimya omwaamini wawe Mwaana a Muluku, miyo kinnopatisani nyuwo, munn'aka oophentiwa, mwa Nsina na Pwiya Yesu Kristu. Amen. Muluku ooreeriheni, munn'aka ookhomaala.

(Nyuwo mwa Munna... [Munna muthiyana oniira, "Sumner."—Mol.] Awo t'aiy'anyu? ["Ayo."] Ahe, ti vooreera! Kinoororomela wira Muluku ono—onooreeriha.)

¹⁴⁵ Ola ti Munna Sumner muthiyana, munnisuwela saana. Ale yaari aiy'awe amanle opatisiwa okathi vakhani paahi ovinre. Ninaahiya atthu weemela minuutu vakhani, wira elimalele maasi. Vaareera, Munna Sumner, muhele miyoono mwa sawaka paahi. Kookupali wira mwaakakhanya—ru ila paahi *sa*, Munna Sumner, yaamukhala yooreera. Nivekele.

¹⁴⁶ Pwiya Muluku, ntoko Munna Sumner sinrwaawe vano wira—wira amutthare mwa opatiiso, Pwiya'ahu ni Moopoli. Nkwa voottharelana numala aiy'awe, moota elikann'aya! Anraasuwenle eyo. Masi olipelela mpakha okathi yoowo, eyo ehaana okhala otthuna Wanyu murehereny'anyu, Pwiya, ni enamuna Anyu yo wira itthu, wira owo aahaana waatthara aiy'awe, nave, maana awo t'ethoonyeryo wa yoowo. Nto kinvekela wira Nyuwo mmureerihe ni nvahererye makhalelo awe. Ni wira awo ekhalase ekumi voolekela, makhalelo oohakalala vamosa, yaalelaka axikhaani aya ni yoorumeelakani Nyuwo. Okathi onrwaawe vano wira apatisiwe, kinvekela wira Nyuwo munvahe yoothuna ya murim'awe.

¹⁴⁷ Mwaha w'ohimya wanyu omwaamini Mwaana a Muluku, miyo kinnoopatisani, munn'aka oophentiwa, mwa Nsina na Pwiya'ahu Yesu Kristu. Amen.

(Emaara yoopacerya mutonko anyu opatisiwa Munna Sothmann?)

¹⁴⁸ Ola ti mwaara a mmosa w'axipatthani aka a vatthirima, Munna Fred Sothmann a Hughton, Saskatchewan, oCanada. Munna Sothmann muthiyana, owo mutthu mmosa oophenteya, muthiyana oowiivaha, mai eekeekhai, mwaara eekeekhai ni oophentiwa a mpatthani aka, Fred. Kinvekela wira Muluku amureerihe Munna Sothmann muthiyana, ni anvahe yoovaha ya Momweneni owo ontthun'awe.

¹⁴⁹ Muheleke moonoo anyu va. Kookupali wira ola waamukhala wooreerela, Munna Sothmann, mukuxe oratta-ene *sa*. Nto ola mmosa vathi, *so*. Nivekele.

¹⁵⁰ O Pwiya Muluku, Mpattuxa Wirimu ni vathi, kookupali paahi wira Nyuwo mweemenle nipuro nlo nipuro nenla va voosiis'ula, nwehaka yeela, maana khaavo onwerya wira etthu p'itthu mwa Nsina Nanyu Nyuwo muhisuwenle. Nyuwo munnoona waamini wa muthiyan'ola ni wiivahererya wawe. Kinvekela wira Nyuwo mmureerihe ola ni Munna Fred, vamosa, wira ekhalase ekumi yoolekela, makhalelo ootthapa, yoorumeelakani Nyuwo. Munvahe, Pwiya. Nto okathi onrwaawe vano ni murima woowiivahererya, ni wiivaha, wira apatisiwe ntoko enamuna arummwa yaapatisiw'aya, enamuna awo yaapatis'aya.

¹⁵¹ Tivo, mwaha w'ohimya omwaamini wawe Mwaana a Muluku, kinnoopatisani, munn'aka oophentiwa, mwa Nsina na Pwiya Yesu Kristu. Amen.

(Enkhala ntoko othukumela? Nsina nanyu ti pani? Hudgins.)

¹⁵² Munna Doris Hudgins muthiyana. Mw'a vayi, Munna Hudgins? New Albany. Owo onoorwa voosiis'ula wira apatisiwe mwa Nsina na Moopoli awe. Apwiya Muluku a Wirimu emureerihe ni emukhalihe eparakha oNew Albany, weiwo onrow'awe ohokolowela-wo.

¹⁵³ Muhele—muhele moon'ola vathi *sa*, epantte y'ottuli. Vaareera. Mmukhalihe mwanamwan'owo vaavo okathi vakhani, mpakha kimpatisa ola. Khoreere oriirya wa mwaana mwamuthiyana. Owo ti muhim'anyu? Oh, eyo ti yooreera saana. Okathi vakhani paahi, ninookhapelela eyo. Nivekele, nyuwo?

¹⁵⁴ Muluku oowerya sothene, Mpattuxa Wirimu ni vathi, ni Mwaneene Ekumi ehinimala, ni Nanvaha a soovaha sothene sooreera sa erutthu ni sa erooho, munvahe muthiyan'ola ekumi yooreera, ikuru, ohakalala, ni iparakha sothene sa muroohoni Nyuwo mmusukeny'anyu. Nyuwo khamunthuna wira owo emuthowe ethu. Ni kinvekela wira Nyuwo munvahe, Pwiya, owo, okhala wira onimwiihahererya, oottharakani Nyuwo okela mmahiye mu mooriirya voosiis'ula. Muluku, munvahe.

¹⁵⁵ Nto mwaha w'ohimya waamini wanyu, kinnoopatisani, munn'aka oophentiwa, mwa Nsina na Pwiya Yesu Kristu. Amen. Attotopeliwe Muluku! . . . ? . . .

(Ni nyuwo, moopacerya olimalela vakhani? Owo pooti oovaka vakhani. Nsina nanyu ti pani, oophentiwa? Blade? Nyuwo mwa . . . atthu anyu anoomala-ru opatisiwa?)

¹⁵⁶ Maria Alice Blade mwaamukhaani. Murina miyaakha mikavi, oophentiwa? Miyaakha muloko ni mmosa. Apwiya emureerihe mwanamwan'ola, envahe exariya ni otthuna, otthuna wa exariya wa mmurimani mwawe, ti mavekelo aka. Munooowerya orwa va. Mary Ellen? Mary Alice. Uh-huh. Vaareera, mulopwana. Nivekele.

¹⁵⁷ Pwiya Muluku, Mpattuxa Wirimu ni vathi, ni Mwaneene Ekumi ehinimala, ni Nanvaha a yoovaha yothene yooreera, munveleliherye iparakha Sanyu mwaan'ola va, voorukunuwani wa makhalelo. Wira hiyo, owo akeleleke ohoolo ephiro yeela eneethiherya mpakha Ekumi. Munvahe. Ntoko sirwiiy'awe voosis'ula, alapaka itampi sawe, ni ahimiyaka wira onnimwaamini Yesu Kristu Yoowo okhwiye wira amoopole mwa itampi iye, owo onkela mmahiye mu mooriirya, wira apatisiwe mwa Nsina na Moopoli awe. Munvahe, Pwiya, wira Eroho Yowarya yeetteeteke vamaasini okathi onikhum'awe va, ni yeetteete vamurimani wawe, ni ehikhalakhale emukhumaka, okhuma vano mpakha Ehimalelo yothene. Munvahe, Pwiya.

158 Mwa olapa itampi sanyu, ni omwaamini wanyu Mwaana a Muluku, kinnoopatisani, munn'aka oophentiwa, mwa Nsina na Pwiya Yesu Kristu. Amen.

(Vaareera, mulopwana. Muhinkhalelani-tho vakhani mukihya kimukuxa mukina va.)

Eyo e...? Ookhala mmosa-tho onrwa wira apatisiwe? Munrowa opatisiwa, munna? Vaareera. Munrweela, oophentiwa, wira mpatisiwe? Mwaana mwamuthiyana mukina noorwa nave? Vaareera. Mwaahiye elimalele vakhani yeeyo, mwaahiyase ekhale oomaala vakhani paahi, enookhala saana, mukhale oomaala paahi. Nto mmuhiye mwaaruusi eette vakhani paahi, eette nivalo nimosa khula okathi, okathi onkel'awe. Mweemele vaavo vo paahi, vano, vakhani. Ni mmuhiye ole mukina aire.

(Nsina nanyu ti pani, munna? Dorothy pani? Darlene. Ahe, mw'a a vayi, Darlene? oKentucky wu.)

159 Ola ti Darlene Wilcoxson mwaamukhaani, a oKentucky. Owo onoorwa voosiis'ula, ahimyaka omwaamini Mwaana a Muluku, wira apatisiwe mwa Nsina na Pwiy'ahu ni Moopoli, Yesu Kristu. Muluku amureerihe. Okisivela owoona axinamwane ala erwaaka, okhala wira, nakhala-ru nihiku na meelo, ala anrowa okhala a nanvara muteko a meelo. Ni, tthiri, mwamuthiyana oophenteya, a munnuwelo ene yoowo Satana aakhanly'awe opahulaka makhalelo awe makhaani ni omukhaliha e—etakhalelo. Owo ookuxa ephiro yooreera. Mukhale memmo, Darlene, mpakha Yesu wootaphulani. Muhele ntata nimosa paahi *sa*. Ni, kookupali, Darlene, *siisa*, oophentiwa, vano nto nimosa *saale*. Ti yooreera. Nivekele.

160 Muluku oomoriwa ikharari, Yoole opattunxe Wirimu ni vathi, ni ovahale itthu sothene mahala-ene mwa Yesu Kristu, ninnooxukhuruni Nyuwo voosiis'ula mwaha wo oreeriwa orin'ahu wo oweettiherya aana ala wa Nyuwo. O Muluku ooreera murima, musarihe makhalelo ala makhaani. Ni wira xetwani ohimukwannye! Owo akhale murumeyi Anyu mahiku othene a ekumi awe. Munvahe, Pwiya. Ntoko owo sipaceny'awe voosiis'ula, eemenle-ene mmahiye mu mooriirya, orowaka vathi va, aaminiki wira Yesu Kristu ookhwela itampi sawe, ni owo onoohimya v'atthuni yeeyo vano. Mulepe nsina nawe kahi vapapheloni v'opatiiso paahi, masi nikhale Muliivuruni mwa Ekumi. Wira owo akhumelele nihiku nenlo, aaryaka ntoko ewero. Munvahe.

161 Mwaha w'olapa itampi sanyu, ni omwaamini wanyu Mwaana a Muluku, miyo kinnoopatisani, munn'aka oophentiwa, mwa Nsina na Yesu Kristu. Amen.

162 (Vaareera. Nsina nanyu ti pani? Emily...? Plade.) Mwaaruusi xeeni oosivela ola, Emily Plade mwaamukhaani. Waamini xeeni... [Munna mmosa oniira, "Blade."—Mol.] Blade.

Oh, nyuwo mwa a...mmosa wa a...Ole aari muhim'anyu omanle opatisiwa, owo t'osivela mwaamukhaani.

Vano, ookhala aakihimenrye emaara emosa, khwira, "Munna Branham, xeeni waapatisaka anamwane?"

Yesu ohimnye wira, "Mwaahiye anamwane ekirweeleke Miyo." Eyo ti, *mwaahiye*, "mwaatthuniherye" awo erwe.

Muniira, "Ahe, owo khonsuwela etthu eniir'awe."

¹⁶³ Owo aamusuwela vaakhanle wira aahiira voovonya, khaarowa? Munuupuwela wira mwaana khaarowa osuwela okathi iiraly'awe yoovonyeya? Vakhala wira ohinnuwa voophiyerya osuwela okathi vairaly'awe yoovonyeya, owo ohinnuwa voophiyerya osuwela okathi wiiraly'awe yooreera. Ankhi vaakhanle wira yaahimukhumelela etthu, ni miyo kaamukhoottihale? Vano, ephom'eyo yaamukhala mmatatani mwaka Nihiku n'Olamuliwa. Ayo, mulopwana. Hata wira munnuwelo xeeni arin'aya okathi nyuwo...awo yaathunaka orwa, mwaahiye erwe.

¹⁶⁴ Munnimpenta Yesu? Munoorowa omurumeela Yoowo? Moosuwela ele ekhanle etanki ila voosiis'ula? Ti vaavale Owo okhwiy'awe-vo, khuvithiwa, vathi vamahiye va vooriirya v'eekekhai; masi Owo oohihimuwa, Muluku oomuhihimuxa Owo. Nihiku nlo, oophentiwa, nyuwo munookhuma, nave. Mumphente Yesu, ni mmurumeeleke Yoowo mahiku othene a ekumi anyu. Vano nrowe nivekele.

¹⁶⁵ Pwiya, yoolempwa wira, "Mwaahiye anamwane ekirweeleke Miyo, muhaakhoothiheryeke, maana Omwene wa Wirimu ti wawaya." Kinvekela wira Nyuwo mmureerihe mwanamwan'ola. Kimpatisaka ni maasi, nto Nyuwo mumpatise n'Eroho, Pwiya, owo onoorwa, owo onnaamini, owo orwiye mwa otthuna wawe mwaneene, nto kinimpatisa kittharihaka Masu Anyu.

¹⁶⁶ Mwa olapa itampi sawe, ni omwaamini wawe Mwaana a Muluku, kinoopatisani, munn'aka oophentiwa, mwa Nsina na Pwiya Yesu Kristu. Amen.

(Munoona sayi? Munoona sayi, oophentiwa, muri saana? Nsina nanyu ti pani? Vaareera. Dobson? Robison.)

¹⁶⁷ Ola, ti Munna Robinson muthiyana onrwa wira apwinihiwe mwa Nsina na Moopoli awe, Pwiya Yesu. Nrowe, nuurame miru sahu vano nivekelaka. Muhele miyoono sanyu *va*, oophentiwa.

¹⁶⁸ O Pwiya Muluku, Mpattuxa Wirimu ni vathi, ni Mwaneene Ekumi ehinimala, ni Nanvaha a yoovaha yothene yooreera, munveleliherye iparakha Sanyu mwamuthiyana. Okathi onrwaawe voosiis'ula alapaka itampi sawe, ni amwaaminiki Mwaana a Muluku, munvahe, Pwiya, wira asarihiwe ni Eroho Yowarya. Ni wira akuxe ephiro ele yooloka, ni akeleleke ohoolo, mpakha ataphuwe mwa makhalelo ala. Munvahe, Pwiya. Munvahe iparakha sa ekumi awe.

169 Vano, mwaha w'olapa itampi sanyu, ni omwaamini wanyu Mwaana a Muluku, miyo kinnoopatisani, munn'aka oophentiwa, mwa Nsina na Yesu Kristu. Amen. Amen. Amen. Attotopeliwe Apwiya!

(Esumana enrwa. Ayo.)

(Munimoova vakhani orwa va, oophetiwa? Huh? Amaama ari woowi? Uh-huh. Munuupuwela exeeni, muntthuna weeherya? [Mai oniira, "Ahe, owo t'onsuwela. Owo onookivekelaka, ni miyo koophavela olavula n'uwo mwaha wa yeeyo."—Mol.] Muntthuna opatisiwa, oophentiwa? Ha? Munnitthuna, oophentiwa? Munnitthuna orwa ni Munna Branham mmaasini? Munimoova orwa? Hah? Muntthuna orwa, oophentiwa? Muntthuna—muntthuna, orwa va? Vaareera, munn, pooti okhala yo—yoomoopiha owo. Munvahe eyo owo.)

(Vano, o—okhala mutthu mukina mmo? Ole... Okhala mutthu mukina epantt'ila? Vaareera, mpurule ekurtiina vo. Umhum. Vaareera.)

170 Mwaaruusi ole eemenle va naanaano va wira apatisiwe, owo aathuna opatisiwa, masi aamoova maasi khiyaareere oriirya wa yoowo. Nto vo ame awe khwira... Ahe, awo yaahikikoha ethu kuupuwel'aka. Miyo khwira, "Khino vakhala wira owo aamoova, nkaathuna omututuxa." Munnona? Ni owo khaareere oyeva, khula enamuna. Masi owo onihimya wira onthuna opatisiwa, tivo owo aahuupuwela wira aamulipelela mpakha opatiiso onoorwa, khino maasi yaamukhala ooviha vakhani. Vano eyo ti yooreera saana, ni mai. Nto ninvekela wira Muluku... .


Nrowe ninvaherye nivekelo mwaaruusi uwo.

171 Pwiya Yesu, hiyo ninnooxukhuruni Nyuwo mwaha w'ethu iyo yaamukhaani. Ni eyo e... Eyo waamukhala opwapweliwa w'athu aalweene, woona yeeyo, okathi murim'ole mwaamukhaani ory'aya woosivela ni w'emiravo, owo onthuna orwa. Wooyevexa, Pwiya, onooniherya wira Nyuwo pooti ovaraka muteko ni murima okathi onkhal'aya wowiiyeviha ni wookhweya. Ekhale ethoonyeryo, Pwiya, wira Nyuwo munniherya ovara muteko n'athu. Ni kinvekela wira Nyuwo mukhale ni mwaaruusi uwo, ni mmukhaliherye. Owo annuwe, ni akhale a ikuru ni muulupale, mpakha vanwery'awe opatisiwa mwa Nsina na Mwan'Inyu. Munvahe, Tithi.

172 Nto vano w'ala, Tithi Muluku, apatisiwe, okhala wira kiri mu nlelo mmaasini. Nto Anyu—Eroho Anyu eri vaava; noowoona axiruusi ala ovenya, ni aximiravo, ni matat'aya osulu, yoovuwihakani Nyuwo. Hiyo ninnixukhuru saana mwaha wa yeela, osuwela wira Eroho Yowarya eri vakhiviru, mwaareerihe, Pwiya. Mwaareerihe ale akhanle elipelelaka, axitiithi ni aximai, ale oophentiwa, axiia, aana athiyana, a—aximai, ni akina. Kinvekela wira Nyuwo mwaareerihe othene aya.

¹⁷³ Nto vano, Tithi, kinvekela wira Nyuwo munivahe omumula oxekuw'ola. Ni mukikhaliherye okathi onrowaaka muliinyani mme mwa olamula sa mmurimani oxekuw'ola ni ohiy'ula, wira Eroho Yowarya eno...Numala wira itthu iya, okhale oxintta wuulupale nitonko ahu okhalana mutapernakulu, olelo ohiyu. Okhale owerya woohilavuleya, mu mutapernakulu, wira waavonihe aretta othene ni ooxanka. Munivahe, Pwiya.

¹⁷⁴ Ninnivekela ni wiivahererya mmansihu. Nto keemenle va mma—mmahiye mu mwa maasi voosiis'ula, kinniivahererya-tho mmansaka wa Nyuwo, Pwiya. O Muluku, yaakhanlene etthu mwa miyo Nyuwo mukhanly'anyu orumeelaka, mukuxe. Munna Neville, ni hiyo othene vamosa, ntoko arumeyi, wala matiyakono, ntoko axirikha a muteko mwa Ehapari yooreera, ninniivahererya wa Nyuwo, O Muluku. Munirumeele, Pwiya. Munivahe ohihimuwa musya mmurimani mwahu, mwa musuwelelo. Munirume, oottikittheliwa ni Eroho Yowarya, wira niwerye ovara muteko wa Muluku mukumi. Hiyo ninvekela yeela mwa Nsina na Yesu. Amen.

Muteko ti wawinyu, Munna Neville. 

59-0329M Opatiiso Wa Mmaasini
Branham Tabernacle
Jeffersonville, Indiana wAmerika

EMAKHUWA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyawe musurukhu vahikhanle n'utthuniheriwa woolempwa ni Voice Of God Recordings®. Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org